

寒山詩闡提記聞

中

河村藏書
第 75 號
文學
第 29 號第 5 冊

土岐文庫
文庫17
W105
2



17-2

文章 17
W105
2



寒山詩聞提記聞卷第二

貪人好聚財恰如梟愛子子大而食母財多還害已散之
即福生聚之即禍起無財亦無禍鼓翼青雲裡

梟愛子楞嚴第七如破鏡鳥以毒樹果抱為其子子成
父母皆遭其食或在史孝武本紀

評曰此詩責富貴害人示清貧樂已

去家一萬里提劍擊匈奴得利渠即以失利汝即殞渠命
既不惜汝命有何辜教汝百勝術不貪為上謀

謀字一本作謨字通鑑註外夷傳歷代名以異夏曰僮
鬻殷曰鬼方周曰玁狁秦漢曰匈奴唐曰突厥宋曰契
丹元曰蒙古明曰韃靼

聞是記聞卷二



010185185996

○評曰以不貪兩字為主意不貪兩字可子細吟玩
眼是心中火能燒功德林欲行菩薩道忍辱護真心
遺教經曰女等比丘若有人來節節支解當自攝心無
令瞋恨亦當護口勿出惡言若縱恚心則自妨道失功
德利忍之為德持戒苦行所不能及能行忍者乃可為
有力大人若其不能歡喜忍受惡罵之毒如飲甘露者
不名入道智慧人也所以者何瞋恚之害則破諸善法
壞好名聞今世後世人不喜見當知瞋心甚於猛火常
當防護勿令得入劫功德賊無過瞋恚白衣愛欲非行
道人無法自制瞋猶可恕出家行道無欲人而懷瞋恚
甚不可也譬如青冷雲中霹靂起火非所應也忍辱六

波羅蜜經究親平等罵詈打擲嗔恚不起曰是忍辱
惡趣甚茫茫冥冥無日光人間八百歲未抵半宵長此等
諸癡子論情甚可傷勸君求出離認取法中王

列子力命篇曰彭祖壽八百歲

○評曰王有多種有梵王有帝釋天王有四王有轉輪
聖王有神王有閻羅法王及大力鬼王有八龍王有乾
達婆主乃至摩睺羅主等就中最尊最貴最大最上者
無越心王是道法中王人人具有無一箇欠少底人如
何得識取曰你只於一切處時時點檢即今聽法底是
何物恁麼尋覓底又誰靜中鬧處點檢無間斷不日朝
謁法中王纔出現則梵釋四王日月星辰草木國土有

情非情同時打失，渾身佛祖亦須乞命，何故如此？
 燈下不截爪，所以道釋迦彌勒猶是伊。如且道伊是誰？
 世有多解人，愚癡徒苦辛，不求當來善，唯知造惡因。
 五逆十惡三毒，以為親一外，入地獄長如鎮庫銀。
 鎮護府庫災布銀於柱礎下，此說可也。雖然未見本據，
 天高高不窮地，厚厚無極動物在其中。憑茲造化力，爭頭
 覓飽暖，作計相噉食。因果都未詳，盲兒問乳色。
 天高地厚詩正月篇曰：謂天蓋高不敢不局，謂地蓋厚
 不敢不踏。作計相噉食，列子說符篇曰：齊田氏祖於虞
 食客千人，中坐有獻魚鴈者。田氏視之，乃歎曰：天之於

民厚矣。殖五穀，生魚鴈，以為之用，眾客和之。如響鮑氏
 子年十二，預於次進，曰：不如君言。天地萬物與我並生，
 類也。類無貴賤，徒以小大智力而相制，迭相食，非相為
 而生之人，取可食者而食之，豈天本為人，生之是蚊蚋
 啗膚，虎狼食肉，非天本為蚊蚋生人，為虎狼生肉者哉？
 又楞嚴經四曰：則諸世間卵化濕胎隨力，強弱遞相吞
 食。又曰：以人食羊，羊為人食，人人為人食，如是乃至四生
 之類，外死生互來相噉。盲兒涅槃經十三曰：如生盲
 人不識乳色，便問他言：乳色何似？他人答曰：色白如貝。
 盲人復問：是乳色者，如貝聲耶？答言：不也。復問：貝色為
 何似？耶答曰：如稻米糝。盲人復問：乳色柔輒如稻米糝

耶稻米殊者復何所似答言如雪盲人復言彼稻米殊者冷如雪耶雪復何似答言猶如白鶴是生盲人雖聞如是四種譬喻終不能得識乳真色

天下幾種人論時色數有賈婆如許夫黃老元無婦衛氏兒可憐鍾家女極醜渠若向西行我便東邊走

賈婆衛氏蒙求中卷曰晉惠帝賈皇后名南風父克而位三公初武帝欲為太子取衛瓘女曰衛公女有五可賈公女有五不可衛家種賢而多子美而長白賈家種妬而少子醜而短黑元后固請荀勗荀勗並稱克女之美乃定婚鍾家事文類聚前集二十曰鍾離春者齊無鹽邑之女也為人極醜自詣宣王願乞一見宣王召見

之乃舉手拊膝曰殆哉殆哉宣王曰願聞命對曰今西有橫秦之患南有強楚之難春秋四十壯勇不立一殆也漸臺五層萬民疲困二殆也賢者伏匿山林諂諛強於左右三殆也酒漿流湔以日繼夜女樂俳優縱橫大笑四殆也宣王喟然而嘆拜無鹽女以為王后黃老者應是指老子雖然考史記曰老子之子名宗既有子則當有婦今所謂黃老元無婦者未之考也集中是例多猶謂張三李四強不可論也

○評曰人生天地間各依宿福淺深善行多寡有媚有醜有窮有富不知宿因所致亂自愛憎取捨彼西我東大錯了也願貴其賢不執形模自賢者多不肖者少乎

宣王愛鍾離春，寔賢明之君，也可貴也。

賢士不貪婪，癡人好鑪冶。麥地占他家，竹園皆我者。努膊覓錢財，切齒驅奴馬。須看郭門外，壘壘松柏下。

貪婪漢書南夷傳云蠻獸心貪婪難卒以禮鑪冶後漢書五曰出鐵多者置鐵官主鼓鑄注曰鑄銅為器械當鑄冶之時扇熾其火謂之鼓鑄戰國策魏哀王篇有顯目切齒語壘壘列仙傳曰丁令威本遼東人學道於雲居山後化鶴歸集華表而吟曰有鳥有鳥丁令威去家千歲今來歸城郭如故人民非何不學仙塚壘壘

○評曰此詩呵貪求專不知無常迅速麥地占他家者譬茲有貪婪士一日行過豪家門絃歌遠聞水碓列鳴

一呼百諾至一笑萬人賀屋影歷山光家鵝滿水溝士熟視默計曰我若得此地與竹園毀屋宅以為麥田下種何十斛得穀何百車竹亦歲伐放何十竿得金何十斤其富有陶朱倚頓亦不足羨於是怡悅忘蹈舞終行而不知行雖然無得之計空搔首過而已

噴噴買魚肉擔歸餽妻子何須殺佗命將來活汝已此非天堂緣純是地獄滓徐六語破推始知沒道理

噴字疑囂字歟字彙吁驕切音鴉喧也又市曰囂猶後世名市曰墟也交易市合則囂市散則墟也

○評曰徐六語破堆堆字疑作確所乎此五字形容沒道理之三字

有人把椿樹喚作白梅檀學道多沙數幾箇得泥洹棄金
卻擔草謾佗亦自謾似聚砂一處成團也大難

椿樹梅檀古德歌曰所嗟世上歧途者終日崎嶇狂用
心平垣梅檀不肯取要須登涉訪椿林見宗鏡錄九泥
洹梵語涅槃或曰泥洹此曰滅度棄金擔草涅槃經九
曰譬如癡賊棄捨真寶擔負州木圭峯圓覺疏云擔麻
棄金聚砂古詩曰親友如搏沙放手還自散

○評曰禪有相似禪道有相似道涅槃有相似涅槃何
故只依見性不分明故也若欲得真正底先須見性見
性即是真正道見性即是真正禪見性即是真正涅槃
也汝若不見性呼爲禪亦是相似禪呼爲道亦是相似

道然則不見性論禪說道豈是不相似僧所以達磨大
師曰欲成佛道先須見性寔知不見性修行佛道底人
與把椿樹作白梅檀呼楚鷄爲丹山鳳者一般底大癡
人縱有恒沙行人皆是相似行人而一箇無得真正涅
槃者須知不見性行種種善道佛法底總是棄金擔草
慢佗自慢底鈍魔縱雖經塵劫精鍊刻苦恰似聚砂成
團何日得成佛道

蒸砂擬作飯臨渴始掘井用力磨甌瓢那堪將作鏡佛說
元平等總有真如性但自審思量不用開爭競

蒸砂楞嚴經六曰如蒸砂石欲其成飯經百千劫祇名
熱砂何以故此非飯本砂石成故臨渴曹植文曰渴而

後穿井饑而後植見韻瑞磨甌瓢禪林類聚南岳讓禪
師居南嶽時馬祖在彼住庵日唯坐禪師因往問云在
此何為祖曰坐禪師曰坐禪何所圖祖曰圖作佛師一
日將甌一片於庵前磨祖曰磨此何為師曰要作鏡祖
曰磨甌豈得成鏡師曰坐禪豈得成佛祖曰如何即是
師曰如人駕車車若不行打車即是打牛即是祖於是
悟旨於言下遂印心傳法

○評曰此詩述不見性成佛道大難意此句取楞嚴第
一大意頌言若有行人一食卯齋去長坐不臥得縱雖
鍊身臂指不了知自己元清淨妙體盡是誑欺戲論事
而雖歷無量劫不能成就菩提恰如烝砂作飯終不能

救饑餒臨渴始掘井者言人臨必以命終時悲泣哀號
而求出離底癡愚也夫人閑暇時鑿開池井者為救渴
乏急夫人春暄日耕破水田者為免饑餒苦閑暇不鑿
春暄不耕任冉過了它日臨饑渴時俄掘井俄耕田為知
乎道不知乎渴沒饑死數時可待矣大凡千室邑三家村
有女夏日綴纏縷纏縷非夏日急非急綴為救三冬苦寒
大凡千室邑三家村有女冬日織葛布葛布非冬日急非
急織為備九夏煩暑冬不織夏不綴苦寒日其纏葛布乎
煩暑日其懸纏縷乎且夫歲而無三冬者或有之人而無
命終者未曾有實知不能無命終則何不營命終備且夫
歲而無九夏者或有之人而無來生者未曾有實知不能

無來生則何，不辨來生，資命終，往往有斷抹磨苦患來，
生往往有捺落伽嶮酸，嗟呼夏懸，繼縷懸又大，不難奈，
何彼命終苦患，嗟呼冬纏葛布纏又大，不難奈何彼捺
落伽嶮酸，其行則齋糧囊丸，寢則顛戶，養火姓則綴磁，
縫襪，乘則執鞭，見鞍是非事預而為不蹶，備者哉特至，
不免命終不道來生安然，不顧何哉，佗日至萬歎競來，
日孤燈獨照時，俄爾七狂八顛，是所謂臨渴掘井者也，
用力磨甌，孰者昔有玉人擇石，含明珠者重日磨磨，甌
功積則寶光隨手湧，愚夫羨之，擔一怪石來盡力磨磨，
來磨去，石體銷磨盡，終雖至粟粒芥顆大如魚目光輝，
者亦不得竟垂悔淚憂惱，是無佗最初大錯故也，行人

亦如此，不本自心源，亂自行萬行，欲成就菩提，是與彼
怪石磨底，愚夫無異，問如何得本心源，曰欲本心源，先
須見性，問如何得見性，曰若要見性，就自心源參窮，即
今見聞覺知底，是何物，又即今要了知見聞覺知主底，
心在何處，行住坐卧於內外中間，單單研究，至打成一
片純一無雜行，不知行坐，不知坐底，時節心頭時時熱
悶，是真箇參窮底好消息也，必莫生恐怖，依舊參窮，廓
然而無量劫來業識種子，生以根盤和身心脫落，大圓
鏡光乍煥發，天堂地獄十方法界一毫髮許不見佗物，
是即見性底端的也，如祖師門下得之，不為足，呼為寒
潭，外水孤窠鬼窟，總不顧振精神前進，終蹈翻最後重

關如何是最後重關南泉遷化話疎山壽塔話趙州勘
婆因緣等是也有一般底認得自家見聞覺知底妄心
曰佛祖見柳則綠見花則紅我亦見柳則綠見花則紅
佛祖火暖水寒呼鴉不作鴛呼驢不作馬是卽與佛祖
不隔毫釐現證也只要不滌汚者般見解此卽是寒公
所謂盡力磨礮底癡漢殊不知是卽是生火太兆而
認賊爲子有一般底認得心源湛寂不動不搖底無分
別識爲佛心最上禪爲祖庭不傳底本分家舍至从珍
重護惜殊不知此是八識賴耶指窟似如上秃奴輩到
台教法將三諦證得之遊履密乘碩德阿字透過之境
致夢亦不能量其邊况復祖庭孤危真風可笑諸佛

頂上禪徒不特不及教家學者二乘聲聞道優之此病
始遍五印中滿真丹流到扶桑到不可起寔可悲我昔
聞唐宋諸祖往往悲嘆曰時當澆末佛祖惠命如懸絲
如一髮曳千鈞等語言予竊謂怪哉大唐國裏禪門宗
匠建法幢立宗旨如碁布如星列豈謂澆末豈有懸絲
憂是必警策後昆親切後來日域諸祖亦往往有此嘆
如大圓國師卽言二十四流日本禪惜哉大半失其傳
予聞之大怪大恐久矣向後聞明師說從上疑惑頓解
悲法門危嶮甚切也熟憶此病根遠從金仙氏起到今
終到不可拔金仙初成道後恣著華嚴圓頓珍御寶聚
衣一切衆生恐怖不前驚走無返所以一轉而著阿含

方便鹿弊垢膩衣且設我空偏真陝矮短小化城喝驅
四衆入彼隍壑裡令揩磨淨盡大凡向二十年名此輩
爲長者無禪窮子二乘聲聞部類其後到方等彈呵時
淨名立門外切齒罵辱世尊在內晝夜呵責爲疥癩野
于種類一破摧彼城壘埋卻彼隍壑越四衆俄打失其
所窟托喪盡其所遁竄仰天悲泣懊惱而後提攜教喻
遂推上法華一乘圓頓不思議寶處淳然藥病相治世
尊出世本懷盡成辨畢其殘黨餘屬潛遁蜂房窟伏蝸
殼其餘波陰陰而周流月支彌漫漢土似水乳難分者
自稱爲最上微妙宗趣爲祖師不傳妙道然則今時所
珍重者淨名所以呵責者也今時所護惜者調御所以

敗棄者也胡爲其大錯哉所以長沙韶石佛果息耕妙
喜諸老雖能排盡力不能拔病根蟠屈次第深寔佛祖
亦不能醫治扁倉亦皺眉底重病也古長沙曰學道人
不知真只爲從前認識神無量劫來生以本癡人呼爲
本來人是則是寒公斯言捨金擔艸言蒸沙作飯言磨
輒求鏡光底外人狗亦不喫者也昔南嶽祖師在馬祖
庵前磨麵者此所謂也學者須子細點檢矣

推尋世間事子細總皆知凡事莫容易盡愛討便宜護即
弊成好毀卽是成非故知雜濫口背面總由伊冷暖我自
量不信奴唇皮
躑躅諸貧士飢寒成至極閑居好作詩札札用心力賤人

言孰采，勸君休。嘆息題安餽餅上，乞狗也不喫。

踏踏文選木玄虛海賦有踏踏語註曰失勢貌禮部韻失道不遂其志也札札彙乙甲切音鴨車輾也

欲識生外譬且將冰水比水結即成冰冰消返成水已外必應生出生還復外冰水不相傷生外還雙美

冰水楞嚴三如水成冰冰還為水

○評曰師評唱此詩之日寒餓禪者哀吟曰世尊四十九年強善巧三百六十會權實有五千四十經卷雷公萬四千法門其本志為欲使一切眾生出離六趣生外成辦十力妙果也所以三世賢聖一同精鍊十方緇素萬種刻苦各以生外大事頓放面前一日日一時時只

恐前進拙出離難是古今樣子也而寒公卻道生外還雙美顧夫恐生外浪落毘尼其身禪寂其心者一切賢聖是也美生外變遷野舞村歌者一箇寒公是也是一箇寒公則一切賢聖底大非矣是一切賢聖則一箇寒公底大非矣隨一切賢聖精進苦吟則若乃成辦出離本志有飯家本有大歡喜隨一箇寒公癡吟狂歌去雙美者即止矣若果而不美則如彼長夜苦果何熟顧與隨寒公有樂於其前孰若隨賢聖無憂於其後寔知寒公此語非但無益于我耳似大有害于我者為可乎為不可乎原夫寒公者往昔非北方歡喜世界歡喜藏摩尼寶如來哉豈其出無義語欺誑我輩者哉於此狐疑

不前鳩拙轉加師兄大慈大悲審辨之飢凍上座曰善哉問是此學道人專為可薦取之急也嗚呼生以雙美者寒公雙美而非吾子雙美而吾子安把為雙美則他後大有事乎夫疑惑不決者為根本無明未曾照破故也吾子若欲了知此大事先須見性見性如見掌上豈其生歟而已佛魔亦雙美淨穢亦雙美地獄亦雙美天堂亦雙美美若也未然縱備百千無量文殊說雙美兩字歷拂石劫毫釐其無利益此事究不容易所以達磨木師云若人欲學佛道先須見性尋思少年日遊獵向平陵國使職非願神仙未足稱聯翩騎白馬喝兔放蒼鷹不覺大流落皤皤誰見矜

聯翩謝靈運擬鄴中詠曰金羈相馳逐聯翩何窮已注曰馳逐聯翩皆馬奔走之兒見文選皤皤文選辟雍詩曰皤皤國老乃父乃兄善曰說文曰皤老人貌也偃息溪林下從生是農夫立身既質直出語無諂諛保我不鑑璧信君方得珠焉能同汎灑極目波上鳧韓詩外傳曰楚襄王遣使者持金千斤白璧百雙聘莊子以為相莊子不許楚辭屈原卜居篇曰寧昂昂若千里之駒乎將汜汜若水中之鳧與波上下淪以全吾軀乎不須攻人惡何用伐己善行之則可行卷之則可卷祿厚憂責大言深慮交淺聞茲若念茲小兒當自見

攻人惡論語顏淵篇攻其惡無攻人之惡非修慝與伐己善論語公冶長篇曰顏淵曰願無伐善行之則可行同述而篇子謂顏淵曰用之則行舍之則藏惟我與侷有是夫卷之則可卷同衛靈公篇曰子曰君子哉蘧伯玉邦有道則仕邦無道則可卷而懷之後漢書崔駰傳曰交淺而言深者愚也書大禹謨曰念茲在茲

富兒會高堂華燈何焯焯此時無燭者心願處其傍不意遭排遣還歸暗處藏益人明詎損頓訝惜餘光

千字文曰銀燭焯焯注曰焯焯言燭之光也列女傳曰齊女徐吾者齊東海上貧婦人也與鄰婦李吾之屬會燭相從夜績徐吾最貧而燭數不屬李吾與其屬曰徐

吾燭數不屬請無與夜也徐吾曰是何言與妾以貧燭不屬之故起常先息常後灑掃陳席以待來者自與蔽薄坐常處下凡為貧燭不屬故也夫一室之中益一人燭不為暗損一人燭不為明何愛東壁之餘光不使貧妾得蒙見哀之恩長為妾役之事使諸君常有惠施于妾不亦可乎李吾莫能應遂復與夜終無後言

世有聰明士勤苦探幽文三端自孤立六藝越諸君神氣卓然異精彩超眾羣不識箇中意逐境亂紛紛

三端韓詩外傳曰君子且避三端文士筆端武士鋒端辯士舌端見韻瑞六藝禮樂射御書數箇中意懶瓊頌剷除人我本真合箇中意

○ 評曰認計我不實妄心為箇中者凡夫也認賴耶湛寂暗窟欲空盡思想者聲聞箇中也認我空偏真空穴要一切都不管者辟支箇中也認得見聞覺知光影為佛心者相似禪徒箇中也理事不二凡聖一如常照寂而圓融無碍透過者邊了卻來利益一切者菩薩箇中也作麼生是衲僧箇中意兔角龜毛過別山

層層山水秀烟霞鎖翠微嵐拂紗巾濕露霑蓑草衣足躡遊方履手執古藤枝更觀塵世外夢境復何為

翠微爾雅山未及上曰翠微一曰山腰

滿卷才子詩溢壺聖人酒行愛觀牛犢坐不離左右霜露入茅檐月華明瓮牖此時吸兩甌吟詩三兩首

聖人酒古文真寶前集李太白獨酌詩曰已聞清比聖復道濁如賢注酒之清為聖人濁為賢人瓮牖禮記儒行篇有蓬戶甕牖語

○ 評曰寒公曰坐不離左右試道不離底是什麼才子詩中聖人酒中謂霜露入茅檐中指月華明瓮牖中將又別有長處乎坐不離左右行時還安著那處左右且置中間底又作麼生者裡分明點檢得出許你親看寒公咄咄咄三界輪回

施家有兩兒以藝干齊楚文武各自備託身為得所孟公問其術我子親教汝秦衛兩不成失時成齟齬

施家孟公列子說符篇曰魯施氏有二子其一好學其

一好兵好學者以術干齊侯齊侯納之以爲諸公子之
傳好兵者之楚以法干楚王王悅之以爲軍正祿富其
家爵榮其親施氏之隣人孟氏同有二子所業亦同而
窘於貧羨施氏之有因從請進趣之方二子以實告孟
氏孟氏之一子之秦以術干秦王秦王曰當今諸侯力
爭所務兵食而已若用仁義治吾國是滅亡之道遂宮
而放之其一子之衛以法干衛侯衛侯曰吾弱國也而
攝乎大國之間大國吾事之小國吾撫之是求安之道
若賴兵權滅亡可待矣若全而歸之適於他國爲吾之
患不輕矣遂刑之而還諸魯既反孟氏之父子叩門而
讓施氏施氏曰凡得時者昌失時者亡子道與吾同而

功與吾異失時者也非行之謬也且天下理無常是事
無常非先日所用今或棄之今之所棄後或用之此用
與不用無定是非也投隙抵時應事無方屬乎智習苟
不足使若博如孔丘術如呂尚焉往而不窮哉孟氏父
子舍然無愠容曰吾知之矣幸勿重言言身謝靈運擬鄴中
詠曰天下昔未定託身早得所見文選齟齬具於前四
十四首

止宿鴛鴦鳥一雄兼一雌銜花相共食刷羽每相隨戲入
烟霄裏宿歸沙岸湄自怜生處樂不奪鳳凰池

雌雄小補韻會飛曰雌雄走曰北牡爾雅鳥之雌雄不
可以別者以翼右掩左雄左掩右雌生處五代史唐昭

宗曰：紇于山頭凍死，雀何不飛去，生處樂見韻。瑞鳳凰池事物紀原六曰：晉荀勗為中書監，遷尚書令，勗久在中書，失之甚，恚有賀之者，怒曰：奪我鳳凰池，何賀？

或有銜行人，才藝過周孔，見罷頭兀兀，看時身侗侗，繩牽未肯行，錐刺猶不動，恰似羊公鶴，可憐生氈氈。

銜彙干眷切，音眩，說文自矜也。人媒也。又賣也。兀兀，不動，貞侗，侗增韻，長也。又未成器也。論語泰伯篇注：侗無知，貞錐刺，涅繁經梵行品曰：善男子，譬如豌豆乾時，錐刺不可著，諸煩惱堅亦復如是。羊公鶴，五車韻，瑞劉遵祖，殷浩中軍稱之。于庾公既見，坐獨榻上，與語不稱，遂曰：劉為羊公鶴。注：羊叔子稱鶴善舞，客試驅來，乃不肯。

舞，伶離皇切，俗作憐愛憐，非也。氈氈，字彙毛散，皂

○評曰：予評唱此詩，日有一菴主告予曰：我隣邑五六里，而有一老夫遁居，聞舊西京老儒，而才不愧周召，能無羨管樂，有白丁一短葛，老僕居黃茅兩三間，破屋有巾，謂華陽中乎楮皮，以裁之，有衣為鶴，整衣乎葛布，以縫之，席不正，不居，割不正，不食，首容直，目容端，已容止，寒折膠，暑鑠金，不越戶限，常攝膝危坐，如對大賓，若與神明為伍，鄉黨盡敬服，而師尊如神，予希顏，其操履，慕蘭，其聲名，密行趨謁，如見木牀上，老師所恨，無智鑑，可貴，無才識，可愛，目擊道不存，似捉彼劉遵，置庾公榻上，予索爾，而謂是銜賣君子，賤人似在十字街頭賣卻，偽

藥底老奴以辭出為遲街上有老奴張宏藥店並列器
皿設蜀織帳幃懸晉樣楷聯穿輪巾著道袍把羽扇投
岐伯眸握倉公鬚探楚音交魯文公公然而告白大凡
有血氣者無不有病所以先聖憐之設不從靈劑蓋夫
如吾囊中滴麟血屠龍肝鳳髓狐膽集而大成把一微
塵投之於人則起九死救重病野鬼悲哭閑神道竄虛
扁執鞭步後塵華陀走庭看水薪我非求利者我種德
者也求焉諸子我其久在哉莫貽後悔矣於此羣集競
求箇箇歸來尋重病人試投之橘皮所能亦不能得空
白市上切齒而已世間往往多此黨寒公豈街賣君子
街賣偽藥底云哉風刺賈緇之徒街賣佛法底者歟須

子細吟翫矣古來有一流禪道佛法恣荷負相似重病
來放懷教示曰你輩一生湛然寂默去無為高閑去謹
莫生心一心不生處真正佛祖也休毫釐錯向外馳求
佛祖呼鹿不為猪我亦呼馬不稱狗寔無一點欠少至
要在你一念馳求心歇得而已須知神通不耻千佛妙
用無羨萬祖於此緇素歸仰尊信拋錢財如蝗飛束絹
帛似雲湧攢莊觀於堂宇逞尊貴於警咳龍鳳翔滿繡
帷珠玉栽溢猊牀幡蓋奪目洪具心蕩眾心竊擬龍華
勝會如何向所謂湛然寂默湛入合湛賴耶自體而呼
猪呼狗者虛妄生滅識神雲門大師曰困風霜於十七
年間涉南北於數千里外佗何不學你寂默而向外馳

求如此醜拙哉是唯非恐被真正衲子拶著繩牽不行
雖刺不動彼如羊公鶴者哉趙州和尚曰我在青州作
一領布衫重七斤此語若不見徹分明莫言神通無耻
千佛羅山和尚曰若匠人與兩文錢和尚與匠人出隻
手此語若不透過諦當莫言妙用無羨萬祖學者其擇
少小帶經鋤本將兄共居緣遭佗輩責刺被自妻踈拋絕
紅塵境常遊好閱書誰能借斗水活取轍中魚

帶經鋤魏志常林字伯槐河內溫人避地上黨耕種山
阿魏畧曰林少單貧自非手力不取之於人性好學漢
末爲諸生帶經耕鋤其妻餽之雖在田野相敬如賓見
蒙求被自妻踈前漢書曰朱買臣家貧好讀書不治產

業常艾薪樵賣以給食妻羞之求去買臣笑曰汝苦日
久待我富貴報汝功妻恚怒曰如公等終餓死溝中耳
買臣不能留即聽去轍中魚莊子外物篇曰莊周家貧
故往貸粟於監河侯監河侯曰諾我將得邑金將貸子
三百金可乎莊周忿然作色曰周昨來有中道而呼者
周顧視車轍中有鮒魚焉周問之曰鮒魚來子何爲者
耶對曰我東海之波臣也君豈有斗升之水而活我哉
周曰諾我且南遊吳越之王激西江之水迎子可乎鮒
魚忿然作色曰吾失我常與我無所處吾得斗升之水
然活身君乃言此曾不如早索我於枯魚之肆
變化計無窮生歎竟不止三途鳥雀身五嶽龍魚已世濁

作_規孺時清為駮駟前廻是富兒今度成貧士

變化易上彖傳乾道變化各正性命荀子註改其舊質謂之變馴致於善謂之化己彖居里切音鷄上聲身也人之對也規孺彙胡羊名駮駟彙駮馬也

書判全非弱嫌身不得官銓曹被拗折洗垢覓瘡癥必也關天命今年更識看旨兒射雀目偶中亦非難

書判唐宗記定銓註法身言書判是唐之選法取人術也一曰身體豐偉二曰言辭辨正三曰書法諧遵美四曰判文優長四事皆可取嫌彙胡兼切音賢不平於心也又疑也憎也女子多嫌疑故从女銓且緣切音詮量也三詮唐選法尚書詮掌七品以上選侍郎詮掌八品

以下選流外謂之小選拗於巧切音凹上聲手拉折也覓瘡癥後漢書趙壹傳曰所好則鑽皮出其毛羽所惡則洗垢求其癥痕射雀目帝王世紀曰帝羿有窮氏與吳賀北遊賀使羿射雀羿曰生之乎殺之乎賀曰射其左且羿引弓射之誤中右且羿抑首而媿終身不忘故羿之善射至今稱之見文選鮑明遠擬古詩註識疑_乎試貧驢欠一尺富狗剩三寸若分貧不平中半富與困始取驢飽足卻冷狗飢頓為汝熟思量令我愁悶

分貧左傳昭公十四年曰分貧振窮註曰分與也振救也頓世說羅友曰欲乞一頓食彙都困切下首至地也又拜頭叩地也或說此篇意謂爰有二尺食中分之而

一尺與驢一尺與狗富而飽故喫七寸而餘三寸驢貧而飢故喫了一尺而言一尺不足若二尺共與驢則又無七十寸之可喫而令狗飢頓也

柳郎八十二藍嫂一十八夫妻共百年相憐情狡猾弄璋字烏髡擲瓦名娼嬈屢見枯楊美常遭青女殺

狡猾左傳昭二十六年有狡猾二字彙曰狡猾也猾亂詩斯干篇曰乃生男子載寢之牀載衣之裳載弄之璋又曰乃生女子載寢之地載衣之裼載弄之瓦評干書言故事烏髡彙曰楚人謂虎為烏髡左傳宣四年有姓鬪名穀於菟者娼嬈彙曰小兒肥兒枯楊美易大過卦曰九二枯楊生稊老夫得其女妻無不利象曰老夫女

妻過以相與也青女淮南子天文訓曰青女乃出降霜雪注曰青女天神青孩玉女主霜雪也或說曰八十二與一十八合之為百年故曰夫妻共百年枯楊謂八十二之柳郎也青女指一十八之藍嫂也

大有飢寒客生將獸魚殊長存廟石下時哭路邊隅屢日空思飯終冬不識襦唯齋一束草并帶五升麩

一束草三輔決錄孫晨字元公家貧織席為業明詩書為京兆功曹冬月無被有藁一束暮卧朝收見蒙求赫赫誰齷肆其酒甚濃厚可恰高幡幟極目平升斗何意訝不售其家多猛狗童子欲來沽狗齧便是走赫赫盛兒齷酒甌也猛狗韓非子外儲篇曰宋人有酤

聞提記聞卷一

酒者升概甚平遇客甚謹為酒甚美懸幟甚高著然不
售酒酸怪其故問其所知長者楊倩倩曰汝狗猛耶曰
狗猛則酒何故而不售曰人畏焉或令孺子懷錢挈壺
甕而往酌而狗逐而齧之此酒所以酸而不售也夫圖
亦有狗有道之士懷其術而欲以明萬乘之主大臣為
猛狗迎而齧之此人主之所以蔽脇而有道之士所以
不用也此故事又見劉向說苑

吁嗟濁濫處羅刹共賢人謂是等流類焉知道不親狐假
師子勢詐妄卻稱珍珍松礦入鑪冶方知金不真

法苑珠林六十七引五分律云佛告諸比丘乃往古昔
有一摩納在山窟中誦利利書有野狐住其左右專聽

誦書心有所解作是念言我解此書語足堪作諸獸中
王作是念已便起遊行逢羸瘦野狐便欲殺之彼言何
故殺我答言我是獸王汝不伏我是以相殺彼言願莫
殺我當隨從於是二狐便共遊行復逢一狐又欲殺之
問答如上亦言隨從如是展轉伏一切狐便以羣狐伏
一切象復以象象伏一切虎復以象虎伏一切師子遂
權得為王既作王已復作是念我今為獸中王不應以
獸為婦便乘白象率諸羣獸不可稱數圍迦夷城數百
千匝王遣使問汝諸羣獸何故如是野狐答言我是獸
王應娶汝女與我若善若不與我當滅汝國還白如此
王集羣臣共議唯除一臣皆云應與所以者何國之所

○聞林言聞卷二
恃唯賴象馬我有象馬彼有師子象馬聞氣惶怖伏地
戰必不如為獸所滅何惜一女而喪一國時一大臣聰
睿遠畧而白王言臣觀古今未嘗聞見人王之女與下
賤獸臣雖弱昧要殺此狐使諸羣獸散走王即問言何
計將兵馬出大臣答言王但剋期戰日先當從彼求索
一願願令師子先戰後吼彼謂吾畏必令師子先吼後
戰王至戰日當勅城內皆令塞耳王用其語遣使共求
上願至于戰日復遣信求然後出軍軍鋒欲交野狐果
令師子先吼野狐聞之心破七分便於象上墜落干地
於是羣獸一時散走佛以是事而說偈言野狐憍慢盛
欲求其眷屬行到迦夷城自稱是獸王人憍亦如是領

統於徒衆在摩竭之國法王以自號涅槃經十三曰譬
如真金三種試已知其真謂燒打磨

○評曰此詩嘆末法弊衰混亂若見今時寒公如何悲
嘆如何頌去寔可悲矣所謂羅刹共賢人言五濁濫漫
惡時世相似邪師部屬多偏小質緇奸黨大而異見列
起傍行爭湧竊譏刺古人真正家風妄立自家胸臆鄙
宗教壞參玄英伶後學拔翻千歲陰涼靈苗陰弊佛日
於木末殘影狀賊慧命於澆運懸絲其毒害實過羅刹
剩假古佛千歲遺風餘烈偷諸祖萬苦精鍊真修飾殊
勝好樣模說相似瞎奴法賤賣佛號戒帖諂鬻下火道
號名聲普聞勢威遠震千衆圍遶四事豐滿將謂與歷

世賢聖傳燈列祖同一舌演同一口唱毫釐無差殊寔法中王者也所悲到彼佛祖不傳妙道衲僧難透話頭如暗中取物等齊人見楚人茫洋而無所知甚醜拙甚濶踈而祖庭杳隔天涯恰如野干運奇籌來且稱獸王立取誅滅乍若有不顧危亡底漢子人天衆前公然而出來曰玉以火試金以石試人以言試言牛過窓獞頭角四蹄總過了尾巴依什麼過不得還是說那箇道理此時如野干聽師子吼牙戰股震膽裂腦碎平生勢威瓦冰消解無異彼鈴鑊入鑪冶是故世尊有偈曰野狐慵慢盛欲求其眷屬行到迦夷城自稱是獸王人憍亦如是領統於徒衆在摩竭之國法王以自號

甲家避暑月斗酒共誰歡雜雜排山果疎疎圍酒罇蘆葦將代席蕉葉且充盤醉後搯頤坐須彌小彈丸

○評曰師提唱此詩日寒餓禪者勃然拍手朗吟曰醉後搯頤坐須彌小彈丸寔痛快活哉寒公微妙制作模寫真正物外不羈大人來拋向諸人面前王賈吐舌李杜拍手而已吟弄不休饑凍上座曰不可也不可也吾子其大錯乎佗自隨吾子遊者物外不羈大人將其多乎纔得村醪二三椀搯頤叫曰須彌小彈丸南隣亦須彌小彈丸北舍亦須彌小彈丸遠村近里箇箇盡是物外不羈大人殊不知酒氣混亂你心肺間尊卑不辨小大不知鵝鴉畫出瞋目不見丘山立彼劉令背後合掌

底癡人終飢倒道路平顛或溝壑乎堪作何用且其如
須彌峯縱橫七千由旬上頭有善現大城周匝一萬由
旬中央有金城是帝釋所居周一千由旬也其高尊嚴
麗以凡心思算氣索魂蕩豈依酒力化作小彈丸者哉
昔如盧至長者片言輕忽帝釋下化作貧鬼衆苦逼惱
是可恐况酒有三十五失殊不知此詩設善巧譬喻親
談般若真空妙理田家避暑月者田家者言本分田地
真空家舍也暑者則貪愛火氣執著熱惱也衆生欲避
此煩悶雖窮百端不能除滅依善友提攜纔入得自己
本分家舍則唯有菩薩清涼月無一點熱惱斗酒共誰
歡斗酒般若清涼智酒此中不見第二月乾坤只一人

所以言共誰歡無能見無所見徧界觸目盡是實相無
相供具蘆葑蕉葉著著皆親於此飽喫般若智酒搯頭
坐須彌小彈丸天堂亦須彌小彈丸地獄亦須彌小彈
丸佛界亦須彌小彈丸魔界亦須彌小彈丸你亦須彌
小彈丸寒公亦須彌小彈丸此時與寒公好把手呵呵
大笑有分若不然酒家門外口流涎底剃頭人夢曾
知寒公哉時窮乏道者立背後微微而匿笑曰餓也甚
不及饑凍雖解得巧過也夫寒公此作如老龍騰玄珠
抱向面前所恨不免握左拳咬指頭而已

箇是何措大時來省南院年可三十餘曾經四五選囊裡
無青蚨篋中有黃絹行到食店前不敢暫迴面

措大祖庭事苑六曰倉故切置也言措置天下之大者
又大慧武庫上之二張無盡丞相十九歲應舉入京經
由向家向家夜夢人報曰明日接相公凌晨淨室以待
至晚見一窮措大著黃道服乃無盡也引困學紀聞卷
十九曰俗語皆有所本措大出五代東漢世家青蚨書
言故事金寶類曰常稱錢曰青蚨搜神記曰青蚨似蟬
而稍大生子艸間如蚤取其子母即飛來以母血塗錢
八十一文以子血塗錢八十一文母市物先用母錢或
先用子錢皆復飛歸輪環無已黃絹同文章類曰稱絕
妙之文曰黃絹幼婦云云

為人常喫用愛意須慳惜老去不自由漸被佗推斥送向

荒山頭一生願虛擲亡羊罷補牢

亡羊罷補牢戰國策楚項襄王篇曰莊辛曰見兔而顧
犬未為晚也亡羊而補牢未為遲也

○評曰此詩全篇極難透過古人呼為寒山詩中最上
一區難處管解亦大錯會了也是寒公語言三昧中把
諸史百子六經四書及佛經祖言中未嘗說及底鄙賤
最下癡漢分明頌出誠卷中最上秘訣也顧夫非自賊
軍隊裡來不察賊兒奇計非自鄙賤中出不見鄙賤所
志古今碩德明師不點檢得出寔宜也譬茲有一夫性
敏黠而多能鄙事常食客一豪家補紙障綴破器或漆
布或泥壁羹和菜調里歌村舞隨其所使令如伸猿臂

搔痒處每事寵情實富家甚愛之同器食交衣著夫竊
心謂彼今寵偶如是縱我異日衰邁老疲他豈捨我哉
與育養好兒十箇不如得心於一豪家是實謂廁上窮
鼠乍入廩庾乎將又爲涸轍枯魚俄領江湖乎嗚呼天
錫我於晚暮備者乎夙起夜寢待命於豪家豪家亦心
竊謂大凡于工于匠率類彼耆傭作數日算次傭賃與
許多錢財如彼則不然縱歷多少歲時只一時家常而
足其餘稀投舊葛古裘以救寒暑而已是天錫我於良
佐者歟將又所以宿福今然乎寵偶轉加誰知彼愛敬
意元出慳吝大凡以利附合者以利必離夫既衰邁困
倦目眇臂溢從前敏黠次第用不能寵賞亦隨衰終見

推下寵下剩放荒山頭於此雖吞淚恨哭嚼臍愁悔終
無及是所謂亡羊補牢者乎向所謂到卷中最上秘訣
我亦不能了知待可畏之寒士

浪造凌霄閣虛登百尺樓養生仍天命誘讀詎封侯不用
從黃口何須狀白頭未能端似箭且莫曲如鈎

排韻魏明帝立凌雲觀誤先釘榜以寵盛韋中將畫扁
輓轡引之去地二十五丈既下鬚髮白唐貞觀中太宗
嘗畫功臣李靖等二十四人於凌烟閣見釋氏誓古略
前漢書夏侯勝傳曰勝常謂諸生曰士病不明經術菴
明其取青紫如俛拾地芥耳學經不明不如歸耕此誘
讀事也家語六本篇曰孔子見羅雀者所得皆黃口小

雀夫子問之曰大雀獨不得何也羅者曰大雀善驚而
難得黃口貪食而易得黃口從大雀則不得大雀從黃
口亦不得孔子顧謂弟子曰善驚以遠害利食而忘患
自其心矣而獨以所從為禍福故君子慎其所從以長
者之慮則有全身之階隨小者之驚而有危亡之敗也
鸞巢直降切音撞愚也端似箭論語衛靈公篇曰子曰
直哉史魚邦有道如矢邦無道如矢又維摩經曰直心
道場端心靜坐後漢書五行志一曰順帝之末京都童
謠曰直如絃外道邊曲如鉤反封侯
富貴疎親聚祗為多錢米貧賤骨肉離非關少兄弟急須
歸去來招賢閣未啓浪行朱雀街踏破皮鞋底

文選曹顏遠感舊詩曰富貴他人合貧賤親戚離呂氏
春秋曰父母之於子也子之於父母也此之謂骨肉之
親招賢閣戰國策燕昭王篇曰燕昭王即位卑身厚幣
以招賢者朱雀天台四教儀集解下卷曰帝王南門名
為朱雀門外百姓往還無碍

我見一癡漢仍居三兩婦養得八九兒恁是隨宜手丁防
是新差資財非舊有黃檗作驢緘始知苦在後

仍時往切音成重也頻也丁防左傳襄公二十五年曰
町原防注曰廣平曰原防隄也隄防間地不得方正如
井田別為小頃町由是考之丁字疑町乎差初佳切貳
也貳副益也

新穀尚未熟舊穀今已無就貸二斗許門外立踟躕夫出
教問婦婦出遣問夫慳惜不救乏財多為累愚

前漢書疏廣傳曰賢而多財則損其志愚而多財則益
其過

大有好笑事略陳三五箇張公富奢華孟子貧軼軻祇取
侏儒飽不恰方朔餓巴歌唱者多白雪無人和

張公史記貨殖傳曰賣漿小業也而張氏千萬又前漢
書貨殖傳曰張氏以賣漿而險侈軼軻字彙軻字註曰

軼軻車行不利故人不待志謂之軼軻又曰按史記孟
子名軻字子輿是取軻軸之義當从平聲廣韻箇韻內

注云孟子居貧軼軻故名軻字子輿則文當音去聲侏

儒前漢書東方朔傳曰侏儒長三尺餘奉一囊粟錢二

百四十臣朔長九尺餘亦奉一囊粟錢二百四十侏儒
飽欲臥臣朔飢欲臥巴歌白雪文選宋玉對楚王問曰

客有歌於郢中者其始曰下里巴人國中屬而和者數
千人其為陽阿薤露國中屬而和者數百人其為陽春

白雪國中屬而和者數十人引商刻羽雜以流徵國中
屬而和者不過數人而已是其曲彌高其和彌寡

老翁娶少婦髮白婦不叔老婆嫁少夫面黃夫不愛老翁
娶老婆一一無棄背少婦嫁少夫兩兩相憐態

晏子辭宅婚篇曰景公有愛女請嫁晏子辭曰我得少
婦我老彌可以倍不受矣

晏子辭宅婚篇曰景公有愛女請嫁晏子辭曰我得少
婦我老彌可以倍不受矣

雍容美少年博覽諸經史盡號曰先生皆稱為學士未能
得官職不解秉耒耜冬披破布衫蓋是書誤已

史記司馬相如傳曰雍容閑雅甚都

鳥語情不堪其時臥草菴櫻桃紅燦燦楊柳正鈗鈗旭日
銜青嶂晴雲洗綠潭誰知出塵俗馭上寒山南

馭韻會御古作馭進也

昨日何悠悠場中可憐許上為桃李徑下作蘭蓀渚復有
綺維人舍中翠毛羽相逢欲相喚呱呱不能語

桃李徑前漢書李廣傳贊曰李將恂恂如鄙人口不能
出辭及外之日天下知與不知皆為流涕彼其中心誠
信於士大夫也諺曰桃李不言下自成蹊注曰蹊謂徑

道也言桃李以其華實之故非有所召呼而人爭歸趣
來往不絕蘭蓀渚文選傳長虞贈可邵三濟詩曰吾兄
既鳳翔王子亦龍飛雙鸞游蘭渚二離揚清暉註曰蘭
渚比中書雀脈脈文選古詩曰河漢清且淺相去復幾
許盈盈一水間脈脈不得語注曰脈莫白切五臣作脈
脈又曰脈脈相視貞

○評曰此詩風水閑雅至家高貴人物蘊藉摸寫得如
一片妙畫舍中翠毛羽者後漢書趙壹傳曰所好則鑽
皮出其毛羽所惡則洗垢求其癥痕今非言鑽皮與洗
垢二物只毛羽者取恩顧之義而已言此人必賢達高
明士逢聖德至善君飽受盡寵偶恩榮歸來遁居鄉里

養衰晚者歟

丈夫莫守困，無錢須經紀。養得一牯牛，生得五犢子。犢子又生兒，積數無窮已。寄語陶朱公，富與君相似。

經紀輟畊錄十九曰：今人以善能營生者為經紀。韓昌黎作柳子厚墓誌云：舅弟盧遵又將經紀其家，則自唐已有此言。一牯牛，史記倚頓傳註引孔叢子曰：頓魯之窮士也。耕則常飢，桑則常寒。聞朱公富，往而問術焉。朱公告之曰：子欲速富，當畜五牯。於是乃適西河，大畜牛羊，千倚氏之南。十年之間，其息不可計。貲擬王公，馳名天下，以興富於倚氏。故曰倚頓。

○評曰：寒餓禪者聽受此詩，了憤然不悅，曰：寒公常詞。

人狂走財利，惡視如惡臭。今復俄教喻世利，下賤捷徑何哉！大凡一切賢聖乘願輪來，纔出頭則以下化眾生為本志。所以設諸善巧種種言教，只患彼出離晚而已。今若隨寒公作醜拙鄙陋態，富同倚頓，財齊陶朱，去依舊暗鈍昏愚，賤人增長多少生外重罪，永沈沒阿毘泥犁源底。塵劫亦無出期。此道菩薩利生教化，可乎？雖在家塵累，士庶不出者，般醜陋無義之語，大可怪。饑凍上座曰：佳哉！吾子不隨語輕作解。寒公此詩大有譬喻。丈夫莫守困者，言箇箇總是具有如來智慧德相。大丈夫兒豈空癡守貧困？作長者無禪窮子受承劫不如意者哉！須養一牯牛者，牯牛自己本具自性也。因者此言。

水牯牛果者言之露地白牛若人親辨得親養得則五
根五力次第成辨終證五智最後妙果是謂生得五續
子於此三明六通八音四辨隨機應現任手受用度三
界衆無乏經八大劫無盡謂之積數無窮已直是功同
金仙氏德等阿逸多是故言寄語陶朱公富與君相似
閑自訪高僧烟山萬萬層師親指歸路月挂一輪燈
閑遊華頂上日朗晝光輝四顧晴空裡白雲同鶴蜚
世有多事人廣學諸知見不識本真性與道轉懸遠若能
明實相豈用陳虛願一念了用心開佛之知見
用字恐明字乎所謂清淨明之心開佛知見詳于法華
方便品

寒山有一宅宅中無闌隔六門左右通堂中見天碧房房
虛索索東壁打西壁其中一物無免被人來借寒到燒輒
火飢來煮菜喫不學田舍翁廣置牛莊宅盡作地獄業一
入何曾極好好善思量思量知軌則

之子何惶惶卜居須自審南方瘴癘多北地風霜甚荒陬
不可居毒川難可飲魂兮歸去來食我家園甚

詩挑天篇曰之子于歸註曰之子是子也瘴癘後漢書
公孫瓚傳曰日南多瘴氣魂兮楚辭宋玉招魂篇曰魂
兮歸來北方不可以止些增冰峨峨飛雪千里些歸來
歸來不可以久些家園甚詩氓篇曰桑之未落其葉沃
若于嗟鳩兮無食桑甚

○評曰寒餓禪者曰或曰此詩宋玉招魂體裁有多少
情思寒公大才寔可貴予竊謂雖大才可貴總不見所
以利我大凡一切衆生至命終中有日各隨其作業分
離苦趣如颶風捲馳散惡處似石火疾有何暇應寒公
招得食彼家園甚是恰似欲招飛禽與粟擬呼走獸授
飯者然則非是無義荒唐詞而無所把者哉古人云言
不利人不如無言若稱風流蘊籍李杜王許謝元駱賈
諸家窮衆體吐衆妙豈特寒公云哉我總不見所以可
貴搔首饑凍上座曰美玉在此雖含祥光師曠終日把
玩全不視你是非和氏之厲主耶寒公此詩恰如如意
寶含畜衆光且聽我叩叩之子何惶惶卜居須自審者

之子指一切學道人也惶惶彙胡光切惑也恐也倉惶
貞也言大凡辨道士恐惶疑惑心火熠熠至外不能休
罷爲不逢明師鉗錘不徹自心淵源認得信受佗相似
底禪來以爲得故到外有此災厄譬有一人廣窮經論
徧探諸史積多智多解以欲得菩提是南方強也而一
聰明凡夫居之理智傷害真性多聞困倦自心恰如南
方瘴癘氣煩悶心肺浸害皮肉急須拋捨有一人認得
八識賴耶無智暗窟爲真正菩提寶處徒日日寂默而
以一切總不管爲真修在道場不能現威儀以動用爲
魔境不知佛國土高妙不學菩薩威儀淡薄枯槁或此
謂二乘聲聞部族是則北方強也長者無禪窮子居之

也其敗棄道種壞滅善芽恰如三冬風霜狀賊萬物凍
損百卉急須遠離有一人認得見聞覺知底虛安識神
來認賊爲子背地裏強抗曰佛祖亦見柳則翠見花則
紅我亦見鴉則黑見鷺則白佛祖火暖水寒我亦呼驢
不爲馬快活脫洒脫洒自在有什麼所欠少尋佛覓祖
是則荒陬強也而未證謂證憍慢不羈狂者居之祖關
不透棘林猶深稱之爲佛法中夷狄寔可惡矣有一人
一朝乍顛墜寂滅無相平等不生見泥獄曰也太奇也
太奇上不見諸佛下不見衆生大地山河全無纖塵言
我是太徹了事衲僧不參知識不屈朋友見辨道參
底衲子抱腹大笑逢德行修善者舊切齒罵辱是則彼

毒川強也而偏見無智賤人居之如何夢曾不知有難
透向上宗旨祖庭遙隔天涯寔可笑所以道毒川難可
飲吞者立癲狂故也問魂歸去來食我家園甚如何得
歸去來家園甚子如何得喫著曰吾子若欲免如上禍
患先須見性見性如見掌上捨去一句參難透話頭纔
透過得見真正導師十年五載親灸究竟而後採摘寒
公家園甚子來任手行大法施自利利他能事了畢寔
非真正佛子哉呵呵

昨夜夢還家見婦機中織綉梭如有思擊梭似無力呼之
迴面視恍惚不相識應是別多年鬢毛非舊色
人生不滿百常懷千載憂自身病始可又爲子孫愁下視

梭投機
梭投機
梭投機
梭投機

問是記開卷一

禾根下上看桑樹頭秤鎚落東海到底始知休

不滿百文選古詩曰生年不滿百常懷千歲憂

世有一等流悠悠似木頭出語無知解云我百不憂問道道不會問佛佛不求子細推尋著茫然一場愁

○評曰有一般無智頑陋底癡人認得心源湛寂不動不搖底黑暗塵坑來終世死守悠悠而過日恰似一塊木頭木頭者木偶人也言深山古廟裡無轉智大王類也而後公然自言我舊於何某導師所信受此大事爾來太安樂太解脫定無半點憂愁只以一切總不管為心要所以言無事是貴人佛是無事人也見撥草參玄霜辛雪苦底真正衲子微微識刺曰彼是見惡知識欺

謾底狂見解邪黨也汝輩莫入此保社只日日渴茶饑飯總恁麼去大事了畢而已見其對徒弟所教論暗鈍寡陋只是一箇剃頭下賤頑凡也佛亦不知法亦不會念是目救亦不了底迷人寔茫茫一場愁乎師元文辛酉春在甲富春日有一僧來謁言九國僧師曰聞久遊歷關外歸卻有所得麼僧曰和尚不知如某甲親參決數員善知識透徹一祖安心法門全無疑惑困睡飢食痛快活哉太安樂太解脫火暖水冷何有所求雖如師評唱語錄玩弄詩偈我總不得是復固吾所不取師曰作麼生是二祖安心法僧曰求心不可得師曰背手而搔佛面你非無屈左臂觸狗頭何日免得僧茫然師曰

五祖和尚曰牛過窻櫺頭角四蹄都過了尾巴因甚麼
過不得是說甚麼道理僧又茫然師曰汝向道火暖水
冷古人云柙不翠花不紅僧又茫然師曰澆末濁亂
日掠虛不實癡人如麻似粟汝恁麼而痛快活哉大解
脫大安樂哉欺誑無智賤人即得恐他後大有事在其
僧面色如土目瞳口結雖手上一碗茶冷卻欲結水頭
亦動不得恰如溝中萬斛船師即指語傍人曰是彼寒
公所謂子細推尋著茫然一場愁

董郎年少時出入帝京裡衫作嫩鵝黃容儀畫相似常騎
踏雪馬拂拂紅塵起觀者滿路傍箇是誰家子

董郎前漢書佞幸傳曰董賢字聖卿為人美麗自喜哀

帝望見說其儀貌賢寵愛日甚出則參乘入御左右常
與上卧起嘗晝寢偏藉上腹上欲起賢未覺不欲動賢
迺斷腹而起其恩愛至此踏雪馬海錄碎事馬驢門曰
踏雪馬四蹄皆白也古樂府曰黃金絡馬頭觀者滿道
旁見事文類聚別集二十九拂拂韻會塵起見誰家子
曹子建樂府詩曰白馬飾金羈連翩西北馳借問誰家
子幽并遊俠兒見文選

箇是誰家子為人大被憎癡心常憤憤肉眼醉昏昏見佛
不禮佛逢僧不施僧唯知打太蠻除此百無能
普普目不明貌鬻彙切肉塊也

人以身為本本以心為柄本在心莫邪心邪喪本命未能

免此殃何言懶照鏡不念金剛經卻命菩薩病

照鏡涅槃經三十四卷迦葉品善男子是經即是毀戒
衆生之明鏡也如世間鏡見諸色像

○評曰根未熟菩薩真修功不積禪定力不全則直心
道場不能堅剛道場不堅剛則動損害法身慧命初心
菩薩常以失慧命為憂惱以損法身為禍殃若知未能
免此禍殃須時時古鏡照真古鏡照真者謂讀誦了義
諸大乘經及金剛般若一四句偈等也蓋了義大乘及
金剛般若者畢竟謂自己本有真性行人若向自己真
性反照則一切生死禍殃頓滅盡所以達磨大師曰欲
學佛道先須見性

城北仲家翁渠家多酒肉仲翁婦外時平客滿堂屋仲翁
自身亡能無一人哭喫佗孟齋者何太冷心腹

歷代小志曰文翁姓文名黨字仲翁景帝時為蜀郡太守
下愚讀我詩不解卻嗤誚中庸讀我詩思量云甚要上賢
讀我詩把著滿面笑楊脩見幼婦一覽便知妙

老子曰上士聞道勤而行之中士聞道若存若亡下士
聞道大笑之語林曰楊脩與曹操至江南讀曹娥碑碑
背題有八字曰黃絹幼婦外孫壘白操不解問脩脩曰
知之操曰卿勿言待孤思之行三十里令脩解曰黃絹
為色絲絕字也幼婦為少女妙字也

自有慳惜人我非慳惜輩衣單為舞穿酒盡緣歌啐當取

一腹飽莫令兩腳儼蓬蒿鑽罽毼此日君應悔
鑽罽毼莊子至樂篇曰列子行食於道從見百歲罽毼
攫蓬而指之

○評曰寒餓禪者曰寒公舊布衫縱雖不動不舞其破
壞穿裂不言可知至道酒盡緣歌啐大可怪顧其如豪
家富人居貴介公子室有貴賓高客時設美酒列佳肴
賓主獻酬到半酣令皓齒歌令明眸絃賞之爲看核如
寒公無提榼攜壺來訪底親友無敷筵設席招請底良
朋非命脉既在拾公竹筒裡者哉何有燕會張絃歌底
榮耀哉既是酒盡有歌何啐既是緣歌啐不可言酒盡
既是酒盡不可言緣歌啐是亦大可怪饑凍上座曰此

語自非寒公發家風親徹見者不可輒解所謂酒盡者
非道有樽榼壺甕所貯酒盡寒公腸胃間酒氣久不通
則渴頻鳴此道酒盡底時節於此行到市上跨佗門闌
里歌村歌放野聲長嘯是効彼韓娥行齊鬻歌技者也
張垢喉傾飢腸轉不與轉歌鷄犬駭吠幼孩恐走梁塵
飛廻器皿震落於此主家皺眉擲著一錢走入家家皆
然而後尋酒家公然而啐是彼緣歌啐者也今我日域
立門外有鬻歌謠者有鬻經咒者有鬻佛名者鬻華鬘
鬻竹枝是皆慕寒公古風者乎

我行經古墳淚盡嗟存沒塚破壓黃腸棺穿露白骨歌斜
有瓮鉶振撥無簪笏風至攪其中灰塵亂埽埽

黃腸後漢書梁商傳曰梁商薨賜以銀鏤黃腸註曰以栢木黃心為槨曰黃腸也

夕陽下西山草木光曄曄復有朦朧處松蘿相連接此中多伏虎見我奮迅鬣手中無寸刃爭不懼懾懾出身既擾擾世事非一狀未能捨流俗所以相追訪昨承徐五死今送劉三葬日日不得閑為此心悽愴

徐劉事出于文選魏文帝與吳質書

有樂且須樂時哉不可失雖云一百年豈滿三萬日寄世是須臾論錢莫啾啾孝經末後章委曲陳情畢

尚書秦誓篇曰時哉弗可失百年三萬日李白襄陽歌曰百年三萬六千日一日須傾三百盃孝經終章曰服

美不安聞樂不樂食旨不甘此哀戚之情

獨坐常怱怱情懷何悠悠山腰雲漫漫谷口風颼颼猿來樹嫋嫋鳥入林啾啾時催鬢颯颯歲盡老惆悵

古詩曰春花落處恨怱怱卓氏藻林曰怱怱不安兒文選謝玄暉敬亭山詩曰溼雲已漫漫注曰漫漫雲布兒

一人好頭肚六藝盡皆通南見驅歸北西逢趨向東長漂如汎萍不息似葦蓬問是何等色姓貧名曰窮

劉伯倫酒德頌曰俯觀萬物擾擾焉如江漢之浮萍詩伯兮篇曰首如飛蓬月令賜貧窮註疏無親曰窮又臬

氏云長無謂之貧窮暫無謂之乏絕
佗賢君即受不賢君莫與君賢佗見容不賢佗亦拒嘉善

矜不能仁徒方得所勸逐子張言拋卻卜商語

論語子張篇曰子夏之門人問交於子張子張曰子夏云何對曰可者與之其不可者拒之子張曰異乎吾所聞君子尊賢而容衆嘉善而矜不能我之大賢與人何所不容我之不賢與人將拒我如之何其拒人也卜商家語七十二弟子解篇曰卜商字子夏

俗薄真成薄人心箇不同殷翁笑柳老柳老笑殷翁何故兩相笑俱行諛諛中裝車競喘喘翻載各瀧凍

諛諛不平言又姦言也喘喘彙山高兒喘徒結切喘魚列切杜工部詩御榻在喘喘瀧凍沾漬貌

是我有錢日恒為汝貸將汝今既飽暖見我不分張須憶

汝欲得似我今承望有無更代事勸汝熟思量

貸彙借也施也將彙師古云將有其意又送

人生一百年佛說十二部慈悲如野鹿瞋忿似家狗家狗趁不去野鹿常好走欲伏獼猴心須聽師子吼

十二部經詳于涅槃經十四并三藏法數家狗涅槃經十四曰又如家犬不畏於人山林野鹿見人怖走瞋恚難去如守家狗慈心易失如彼野鹿獼猴同二十七曰衆生心性猶若獼猴獼猴之性捨一取一衆生心性亦復如是取著色聲香味觸法無暫住時師子吼詳于智度論二十五并涅槃經二十五永嘉證道歌曰師子吼無畏說百獸聞之皆腦裂

○評曰獼猴心者謂憎愛取捨生滅妄心也此心不休
罷故永不能入道常歷二十五有苦輪恰如獼猴貪求
果實攀緣諸樹無片時安閑欲休罷此心須聞大獅子
吼若得聞獅子吼如彼狸狎野干部屬頭腦乍華裂和
性命一時打失情量窠窟煩惱本根直下滅盡是謂伏
獼猴心底時節如何是獅子吼僧問趙州萬法歸一一
何處歸我在青州作一領布衫重七斤
教汝數般事思量知我賢極貧忍賣屋纔富須買田空腹
不得走枕頭須莫眠此言期眾見挂在日東邊

文選任產升齊竟陵文宣王行狀曰懸諸日月註曰楊
雄方言曰雄以此篇自煩示其成者張伯松伯松曰是

懸諸日月不刊之書也又曰此言書傳之後世如日月
懸於天永不朽也

寒山多幽奇登者皆恒懼月照水澄澄風吹草獵獵凋梅
雪作花杙木雲充葉觸雨轉鮮靈非晴不可涉

獵獵風聲也杙五忽切木無枝也

○評曰寒山多幽奇登者皆恒懼作麼生是寒山幽奇
處頭上無方寸虛空腳下無一撮土虛空消殞鐵船推
蓋覆無天地照臨無日月火失熱水失冷柳失綠花失
紅非只是鬼神潛迹佛祖亦乞命是道衲僧本分家山
即今在何處切忌向外尋覓月照水澄澄風吹草獵獵
凋梅雪作花杙木雲充葉歲暮雪昏昏意明鴉噪噪直

下更無地。回避或時鐵樹抽枝。或時石樹開花。正與麼時生死流轉。迷雲沈沒。業海踈雨。甚新鮮甚。虛靈雖然。迷中不得登臨。髑髏那畔。識盡詞窮。理還窮時。忽然而覺得佛界魔界。淨利穢土。透漢徹泉。純晴絕點。鎮寥廓。此時初知。自威音已前。親住居此山。呵呵。

有樹先林。生計年逾一倍。根遭陵谷。變葉被風霜。改成笑外凋零。不憐內紋絲。皮膚脫落盡。唯有真實在。

涅槃經三十五曰。富樓那言。欲說一喻。唯願聽採佛言。善哉善哉。隨意說之。世尊如大林外。有娑羅林中。有一樹先林而生。足一百年。是時林主灌之以水。隨時修治。其樹陳朽。皮膚枝葉悉皆脫落。唯真實在。如來亦亦所

有陳故。悉已除盡。唯有一切真實法。在詩十月之交篇。曰高岸爲谷。深谷爲陵。五燈會元。藥山章曰。馬祖問子。近日見處。作麼生。藥山曰。皮膚脫落盡。唯有一真實。

○評曰。此詩寒公自言也。言寒公家山一株無影樹也。林者衆生生死稠林也。計年逾一倍者。此樹先生死先涅槃生。是故實無知其始者。今計年逾一倍者。一者絕對之一非一之一。而超出算數表。是故言逾一倍。根遭陵谷變者。寒公初見理入道。日十方虛空同時消殞。是時和本根。驀地打失了。此言陵谷變。葉被風霜改者。其後三大劫來。歷精鍊真修。霜辛雪苦。煩惱枝葉。智見華果盡枯竭了也。今既本色山形。拄杖子全不加外粉飾。

是故言皮膚脫落盡唯有真實在

寒山有髣蟲身白而頭黑手把兩卷書一道將一德住不安釜竈行不齋衣衾常持智慧劍擬破煩惱賊

髣蟲事具於前百十三首老子翼註曰玄宗既註老子始改定章句為道德經凡言道者類之上卷言德者類之下卷維摩經菩薩行品曰以智慧劍破煩惱賊

有人畏白首不肯捨朱紱采藥空求仙根苗亂挑掘數年無効驗癡意嗔憐鬱獵師披袈裟元非汝使物

紱音拂印紐也朱紱朱裳也易困九二朱紱方來文選古詩曰服食求神仙多為藥所誤涅槃經七曰譬如瘋師身服法衣

昔時可可貧今朝最貧凍作事不諧和觸途成倥傯行泥屨脚屈坐社頻腹痛失卻斑猫兒老鼠圍飯瓮

貧凍傳燈錄仰山章曰仰山問香嚴師弟近日見處如何嚴曰某甲卒說不得乃有偈曰去年貧未是貧今年貧始是貧去年貧無卓錫之地今年貧錫也無坐社社禮祭法為羣姓立社曰不社韻會社字註二十五家為一社而民或五家十家共為田社是私社也

○評曰斑猫兒謂寒公五百劫來四誓二利願行不退堅固心也此心勇健推伏思念情量衆魔恰如猫兒於偷鼠飛蟲類盡尔目前物皆盡被吞噉今言貧困窮餓寔如把一切病惱疾攢上一身無從上堅固道情似彼

斑猫兒必為妄想偷鼠被偷卻菩提資糧也
我見世間人堂堂好儀相不報父母恩方寸底模樣欠負
他人錢跡穿始惆悵箇箇惜妻兒爺孃不供養兄弟似冤
家心中常悵快憶昔少年時求神願成長今為不孝子世
間多此樣買肉自家噉抹費道我暢自逞說嘍囉聰明無
益當牛頭努目嗔出去始時羅漢佛燒好香揀僧歸供養
羅漢門前乞趁卻閑和尚不悟無為人從來無相狀封疏
請名僧賜錢兩三搗雲光好法師安角在頭上汝無平等
心聖賢俱不降凡聖皆混然勸君休取相我法妙難思天
龍盡迴向

法苑珠林七十一曰唐汾州孝義縣人路伯達至永徽

年中負同縣人錢一千文後乃違期拒諱及執契作徵
遂共錢主於佛前為信誓曰若我未還公願吾死後與
公家作牛畜言訖未逾一年而死至二歲時向錢主家
將牛產一赤犢子額上生白毛為路伯達三字其子姪
等耻之將錢五千文求贖主不肯與乃施與隰城縣啟
福寺僧真如助造十五級浮圖人有見者發心止惡竟
投錢物布施嘍囉上即侯切下良何切方言猶黠慧也
靜齊季士曰聰明不能敵業富貴豈免輪回羅漢門前
乞趁卻閑和尚者如前四十二首引智度論故事顯釋
氏要覽中食篇曰梵語達嚩拏此云財施今略達拏但
云嚩雲光好法師林泉虛堂集第八十六則評曰雲光

法師坦率自怡，不事戒律。誌公謂出家何為？光云：吾不齋而齋食，而不食。後招報作牛，拽車於泥中。誌公名曰雲光，牛舉頭公曰：何不言拽，而非拽牛墮淚號咷而逝。文殊曰：龍蛇混雜，凡聖同居。見五燈會元。無著文喜禪師章法華方便品曰：止止不須說，我法妙難思。諸增上慢者聞，必不敬信。

身著空花衣，足躡龜毛履，手把兔角弓，擬射無明鬼。

○此詩述寒山子自受用法三昧。可貴天然物，獨一無伴侶。覓他不可見，出入無門戶。促之在方寸，延之一切處。你若不信受，相逢不相遇。

波羅提偈曰：徧現但該沙界，收攝在一微塵。識者知是

佛性，不識喚作精魂。梁武帝撰達磨碑，文曰：嗟乎！見之不見，逢之不遇。今之古之，悔之恨之。

○評曰：信受有二種。有依文字勝相依，師友提攜信受者，信受則甚。信受雖甚，信受如何不能透骨髓。真正無疑惑，恰如夢中喫齋油糍，喫齋則甚，喫齋雖甚，喫齋如何不能補胃養腸。真正免飢餓，信受兩字大難。大難夫佛法大海，以信為能入。蓋信也者，無疑惑之義也。生從何處來，未去處非無疑惑底人。菴內人因什麼不知菴外事，是說甚麼道理。若擬議不來，非無疑惑底人。詩中所謂獨一無伴侶，非指直心見性無上菩提道哉。既是信受佛祖不傳底心，豈不了知佛祖語路。只要一

回白汗流親冷暖自知是謂破家散宅底時節此時佛
祖打失佛祖衆生打失衆生歸來把佛祖難透話頭一
看如在萬里異鄉見妻子面而後自利利他譬如老龍
領一滴硯水蘸活萬里枯荒譬似鷓鴣落一片毛羽毒
殺一江魚鼈是爲真正信受人所以如槃嶠大瀉象骨
眞淨諸老終不作爲人鑽腋出羽底醜態問則學者喪
亡心魂答則波旬驚落肝膽是則祖庭孤危眞風也澆
季末代弊表往往有具正信底上士潛窮密參進修功
積純工力充則情念漸止伎倆既窮如入金剛圈如坐
琉璃瓶進不得退不得癡癡呆呆和參究底心一時打
失氣息亦將絕特不知是龜紋將爆底時節鸞殼將脫

底時節佛法將得人底好消息可惜大好善知識乍起
婦仁之心恣婆禪之情終提攜放喻說種種道理推智
解之窠臼拽情量窟宅還以冬瓜印子一印印定曰汝
亦如是我亦如是能護持矣嗟其護持任汝護持如何
命根不斷祖庭猶隔天涯是甚如愛之其實讎之寔可
笑學人不知毒舐許多狐涎搖尾歡喜掉頭踊躍終成
一生半醒半醉底道人佛手亦不能醫他矣縱雖巫祝
匠冷師資不可恁麼漏逗可惜捉有棟梁質具神俊才
者終一生爲擬議不來底鈍漢禪門之衰弊叢社之荒
涼一依之若人欲辨自家證悟淺深得力眞僞如何須
古人難透話頭一一點檢如眞正透得有力人必無一

點疑惑所以言金以石試玉以火試人以言試作麼生
是試底言咄咄咄三界輪回

余家有一窟窟中無一物清潔空堂堂光華明日日蔬食
養微軀布裘遮幻質任你千聖現我有天真佛

○評曰大哉天真佛纔出頭則枯竭生死幻海驚覺生
佛大夢所悲往往認見聞覺知底識神捉湛寂默照暗
窟為自己屋裡天真佛古長沙岑大蟲呵此輩曰無量
劫來生死本癡人認為本來人大可恐若真正欲知自
性天真佛底端的明覺大師曰見聞覺知非一一山河
不在鏡中看此語見得分明如見掌上許汝親見得天
真佛若又錯作崑崙凡解了作陀羅尼情去如一喝

會去底總是葛藤窟裡癡人

男兒大丈夫作事莫莽鹵豎挺鐵石心直取菩提路邪路
不用行行之枉辛苦不要求佛果識取心王主

孟子滕文公下篇曰居天下之廣居立天下之正位行
天下之大道得志與民由之不得志獨行其道富貴不
能淫貧賤不能移威武不能屈此之謂大丈夫莊子則
陽篇曰昔予為禾耕而鹵莽之則其實亦鹵莽而報予
芸而滅裂之其實亦滅裂而報予陸方壺註曰鹵莽土
塊大而草根盛也滅裂滅善類而地膚折也

○評曰大凡一切行人未上初發心地日譬如人立十
字街頭以可西以可東只要自家子細點檢以可進修

蓋差路萬途，派有六度，有萬行，異見紛然，而寔如亂絲。頭緒多，學者往往如扁舟一葉，在萬里霧海，不能辨西東。空隨渺茫煙波，昨西今東，或南或北，徒日日聽櫓聲，軋軋而已。終可寄休，島渚亦不得果，而為風浪見觸，破或又如見放老狗，日日窺數村人家，廻終無所可依。或似盲驢，任脚往，只恐依邪師提攜，一生錯作相似禪徒。去邪正難辨，鹽投水中，真偽誰分。膠占色裏，若人起辨道大志，先須求勝友，投明師，尋討參禪要路。間又竊窺先佛遺言，探列祖往行，時時自觀察，如佗曲泉水林上和尚，縱雖千眾圍繞，說法如雨，證悟人如麻，得力人似粟。其所說示，有與佛祖言教大所乖違，急須遠離。若又

雖一把茅底折脚，踏下破墮，落魄底瞎禿老翁，見有真正智見履踐，佛祖行李須拗折杖子。三二十年親灸究竟原夫三藏金文，收藏八萬四千種法財，八教玉韻示教，三界二十五含識，其中間豎擇橫擇，追尋真修要路，無勝乎禪定。一路無尊乎見性，真理夫見性，故為羣生鬼畜是故。大覺調御有八千度，來往經歷五百塵劫，未後纔依六白端坐，功果終乍遂，見性入理，本素初唱無上正覺，須知三世古今，間無不依禪定。賢聖無不見性，佛祖蓋雖有見性，無禪定力，如空華不結實。雖有禪定，無見性，眼似鬼守棺木，依禪定煥發見性，正眼依見性透徹禪定淵源。夫見性直下，何佛不現，何道不成，何戒

不持何法不通何行不具何德不積何願不滿何人不
度是故四七二三賢聖傳此見性法以報答深恩太
夫兒拋軀命宜進修者此見性法門也稱之名太事因
緣為正法眼藏圓頓具足諸佛心地金剛寶戒也雖然
象兔馬殊禪定有深淺金銀銅異見性多真偽百鍊則
麗金離鑛重琢則崑玉增光只有行人勤怠宗師賢愚
而已東魯彥聖且不言人一能之己百之人十能之己
千之况法界無上大寶心王不傳玉璽哉豈容易哉是
故達磨大師曰諸佛無上妙道曠劫難行難行能行難
忍能忍你等憍心慢心爭敢輕有得然今時往往說口
耳相似禪授皮膚情解法以胡亂首肯云為俊稱容易

點頭歸為賢於此庸常懦弱偽緇展怡悅眉阿諛輕薄
鬻徒搖歡喜尾師資互欺賓主交偽稱直示宗旨為向
上家風是故需真正見道士半箇亦無叢林乏人不亦
宜哉嗟吁道撓季魔擾日既逼乎為末運法滅數漸充
乎貞觀間禪苑秀茂日寒公猶道男兒大丈夫作事莫
莽鹵若見今時為可乎謂不可乎我聞縱雖有七尺八
尺身財膂力超羣才能拔眾不能了常住佛性之義是
非男子不許稱丈夫縱雖醜陋短小竈下鄙賤婢子得
了常住佛性之義名之為真正男子究竟丈夫是即紫
磨金口所說也今言箇箇是大丈夫辨何人我何人豈
甘一生為下劣賤人休去者哉誓憤發傑烈太志有不

一回白汗流徹底打發去，以不退底氣概爲大事了畢。難忍能忍，曠劫刻苦，更不朵跟有親族捨親族，有田園捨田園，有爵祿捨爵祿，有冠蓋捨冠蓋，一切捨離了時，道：「此事一回不入地獄，不能打發；須誓一回入地獄，道：「此事不一回趣餓鬼趣，不能打發；須誓一回趣餓鬼趣，道：「此事不墮修羅界，不能打發；須誓一回墮修羅界，叫喚衆合黑繩無間亦然。況其餘霜辛雪苦，艱難凍餒饑寒，辨道哉是道。男兒大丈夫，真箇參玄，上土作事，莫莽鹵作麼生。是莽鹵莽鹵者，舉措無情實也。所謂認得見聞覺知識神道無所欠少，是莽鹵認他人相似說話來，爲自家見性大事，是莽鹵學口耳禪，以爲得力處，是莽

鹵擔阿樓漆器，於處處衛責，是莽鹵默照邪禪。是莽鹵春濕穀喫飯，是莽鹵未證謂證，是莽鹵古人得罷休時，且罷休，令人未得罷休時，強自罷休，是莽鹵不求疑結，疑團三人五人聚頭，取古人葛藤言句妄判斷，是莽鹵纔智解一言半句，把捉爲見性，是莽鹵把佛祖難透話頭妄玩弄，如謎言去，以爲得力，是莽鹵把難透話頭使學者情解一則了，又情解一則恰如老鷄啄紫栗，打一顆了，又打一顆，是莽鹵把千七百則玄旨來，崑崙吞棗，是莽鹵道話頭，是第二義門，事我既向大易未彰二儀未分以前，坐何可疑言句之有，是莽鹵道話頭，是奴子婢子事我，既今握心王印，豈其涉者般鄙陋事哉，是莽

蘭林詩話卷一
四十一
鹵道我今既到得佛祖未與以前地豈其疑佛祖語哉
是莽鹵道一切語言文字皆是歸第一義強自情解是
莽鹵道折角誦訛言句是古人賊手脚所施設不予細
參窮是莽鹵道話頭是古人爲調伏學者假且所建立
故謂之機關正眼看來不祥戈戟不足取是莽鹵道話
頭是縛殺己靈葛藤總不顧是莽鹵佛祖愁你不能見
縛殺而還迴避是莽鹵不知話頭是碎情識窠臼之鐵
杵截見刺毒樹之金劍漫以妄情安排是莽鹵把一切
話頭使學者浸下語頌出自亦代語去別語去以充佛
法是莽鹵道我輩非其分是莽鹵聞他人久清苦乍得
少分相應向背地裏譏刺是莽鹵道言句必不用會不

會底是參玄極則處是莽鹵道祖師故意吐酸不破摸
不著底言句使學者妄困苦是莽鹵道一切言句不管
其諦當不諦當只臨機率任彩去是莽鹵道會不會總
不關是宗旨是莽鹵道會不會總不管是莽鹵博學多
聞人多是莽鹵聰明利根人多是莽鹵世智辨聰人必
是莽鹵機不離位是莽鹵棺木裏瞠眼是莽鹵外水裡
被浸殺是莽鹵如一喝會去又是莽鹵如鐵掬會去是
莽鹵勁挺鐵石心直取菩提路作麼生是鐵石心譬於
一切善惡境界恰如鐵牛聽獅子吼似石人見華鳥得
失是非總不管顧見生外二字如惡虎晝夜趕來見一
則話頭如陝路逢惡冤家如猫兒於鼠如鷄母於卵儘

頭不見天，低頭不見地，在千人萬人中，不見有一人，一朝工夫成熟，疑團凝結，忽然而如頓放，千仞高架上，打失棧子，似投入百尺鐵圈裡，不見寸繩，回顧心身如飛蛾，陷猛火坑，似片雪投紅爐，焰四面，唯有一箇，然而已此道峻崖撒手，底時節，此時不懷恐怖，不為退因，不生異念，不添方便，單單舉起本參話頭，急切參窮，必有落節底時節，掀翻從上廣大志願，海參透過此峻處，是道鐵石心，作麼生，是菩提，道咳唾掉臂，是菩提，道見性如見掌上，是菩提，道以佛祖不傳妙道，挂在心頭，是菩提，道磨法窟，瓜牙握奪命神符，利濟方來，衲子是菩提，道張滿天金網子，撒滿地鐵蒺藜，技出諸人釘楔，是菩提

道邪路不用行，作麼生，是邪路，說自救亦不了底，相似禪，妨碍學者悟門，是邪路，鑽腋扶翼，是邪路，嚼飯養嬰兒，是邪路，握苗以充為人，是邪路，以悟為枝葉，是邪路，忘自尊大而釣他人，歸仰是邪路，忘現殊勝境界，羅籠無眼學人，是邪路，授與實法，繫綴行人，是邪路，以多衆鬧熱為叢林盛事，是邪路，有衆無行，是邪路，有行無眼，是邪路，纜入門間，以不清繩索，絆倒不許向，佗方參禪，是邪路，宋明末禪徒為灰態，是邪路，與默照無事，外法使人，一生作擬議不來底，鈍漢，是邪路，說示賴耶藏識，為佛祖不傳妙道，截斷衲子慧命，是邪路，行之，枉辛苦問行人，錯修習，如上偽似禪，見性之真偽，得力當否，蓋

有之關，不論原夫古人者，為透過難透話頭，窮明難達，宗旨三二十年，誓精鍊，可謂多辛苦。今時認口耳相似，禪學枯坐默照，行以為易行道，為安樂法門，何辛苦之有哉？曰：彼亦隨分，財相應，辛苦不入其保社，未可知。彼真正衲子，輕輕拶著時，眼淚交口，遍擔虫氣息，亦不能放。是辛苦在寂靜無事，僻地裏，痛快快活，寔氣字如王，纔出來，觸差別境界，見逆順塵緣，時悄悄戰栗，如水凌上，驢是辛苦見佛祖言教時，處處盡與自家所見，矛盾心裡，不覺懊惱，是辛苦其初見說破見授與見印定見許可時，自謂大事成辦，天下既定矣，卻來回顧，日用如邯鄲枕上半熟，尊貴堆珠玉於左右，槐安國裡暫時封

侯族，臣妾於前後點檢見來，無半錢賑濟，是辛苦死，獨懶地是辛苦，半醒是辛苦，枉過一生，被人呼稱默照相似阿師，是辛苦。蓋諺有之曰：蛇出一寸，知其大小；人出一言，察其賢惠。禪門宗師者，非所以胡說亂破，捉人陷窠子裡者。只子細勘驗，他見性真偽得力，當否親為證據而已。其勘過間，且有言論往來，莫道話頭不足把身，非真正一回見性底人，縱有鬻子，智有滿慈，辨才如律，奴見金如鸚鵡，對煎茶夫，金有真偽，且假石以別之，玉有美惡，且假火辨之，水有淺深，且假杖以知之。悟有邪正，且假言以試之。是叢社為人遺蹤，也不要求佛果，問一切行人，以成佛作祖底為最後秋成，木懷而寒，公曰

不要求佛果甚可怪曰此事自非真正見道人難通懷
抱欲知寒公意先須見性識取心王主作麼生是心王
粵自居寒山曾經幾萬載任運遯林泉棲遲觀自在寒巖
人不到白雲常變變細草作卧褥青天爲被蓋快活枕石
頭天地任變改

懶瓚和尚歌曰劫石可移動箇中無改變又曰山雲當
暮夜月爲鉤卧藤羅下塊石枕頭見傳燈錄

可重是寒山白雲常自閑猿啼暢道內虎嘯出人間獨步
石可履孤吟藤好攀松風清颯颯鳥語聲啾啾

啾啾和鳴也

儂家暫下山入到城隍裡逢見一羣女端正容貌美頭戴

蜀樣花燕脂塗粉膩金釧鏤銀朵羅衣緋紅紫朱顏類神
仙香帶氤氳氣時人皆顧盼癡愛深心意謂言世無雙魂
影隨佗去狗齧枯骨頭虛自詆唇齒不解反思量與畜何
曾異今成白髮婆老陋若精魅無始由狗心不超解脫地
儂彙奴冬切音農俗謂我爲儂又渠儂佗也蜀樣花古
語曰蜀川十樣錦添花色轉鮮本草綱目十五青箱下
曰雁來紅六月葉紅者名十樣錦燕脂古今註曰燕脂
草出西方葉似薊花似茜土人以漆粉爲婦人面色故
名燕脂氤氳小補韻會云氤氳祥氣也狗齧枯骨頭智
度論十七曰五欲無益如狗齧骨宗鏡錄六十四引正
法念處經云譬如狗齧離肉之骨涎汁和合望得其髓

如是貪肉齒間血出得其味已謂是骨汁不知自血有
如是味以貪味故不覺次第自食其舌復貪其味以貪
覆故謂骨汁味愚癡凡夫亦復如是白髮婆事文類聚
後集十四中宗朝裴談崇奉釋氏妻悍妬談畏之嘗曰
妻有可畏者三少之時視之如生菩薩及男女滿前視
之如九子鬼母安有人不畏九子鬼母至五六十薄施
糶粉或青或黑視之如鳩盤荼安有人不畏鳩盤荼
一目遯寒山養命冷山果平生何所憂此世隨緣過日月
如逝川光陰石中火任佗天地移我暢巖中坐
逝川出前四十八首石中火潘安仁河陽縣作云人生
天地間百年孰能要頻如搞石火瞥若截道颺見文選

○此詩賦寒山自得之處

我見世間人茫茫走路塵不知此中事將何為去津榮華
能幾日春屬片時親縱有千斤金不如林下貧

千斤漢志四銖為兩十六兩為斤

○此詩呵世間富貴人徒爾過光陰無道心

自聳梁朝日四依諸賢士寶誌萬回師四仙傳大士顯揚
一代教作持如來使建造僧伽藍信心歸佛理雖乃得如
斯有為多患累與道殊懸遠折西補東亦不達無為功損
多益少矣有聲而無形至今何處是

四依三藏法數曰人四依者依即依止也謂從五品位
至等覺菩薩堪為世間衆生之所依止能令衆生聞法

開解修行證果故名，人四依五品十信為初依，十住為二依，十行十回向為三依，十地等覺為四依。梁朝南史曰：梁高祖武皇帝諱衍，字叔達，南陵中都人也。姓蕭氏，五世祖仕齊，封梁王。受和帝寶融禪，即皇帝位。改元天監。四依有三種人：四依法，四依行，四依人，四依上。記了法，四依者依法不依人，依了義經不依不了義經。依義不依文，依智不依識。又行四依者，常住乞食著糞掃衣，蘭若樹下住，病以腐爛浴。寶誌釋氏瞽古略二之上。寶公大士諱寶誌，世稱寶公，尊之也。手足鷹爪，初建康東陽民朱氏之婦聞兒啼，鷹巢中椽樹得之，舉以為子。七歲依鐘山僧儉出家，專修禪觀，至是顯跡，以剪尺拂扇。

掛杖頭負之，行異跡甚多。云云萬回師，唐高僧傳梁朝有法雲法師住光宅寺，又唐有法雲名萬回，此曰梁朝萬回師，則光宅寺法雲有號萬回乎，亦別有所指乎。未之考也。或曰合作法雲師，錯作萬回，三寫為焉乎。此說是歟。傅大士釋氏瞽古略一之下，傅大士齊明帝建武四年五月八日生，生婺州義烏縣雙林，傳宣慈家，名翕，字玄風，號善慧，四仙佛祖統紀三十八華陽真人陶弘景告化，香氣積日不散，謚真白真人，所撰書曰真誥，有云清虛裴真人弟子三十四人，其十八人學佛道，紫陽周真人弟子十五人，四人解佛法，桐柏真人王子喬弟子二十五人，八人學佛法，對會稽東去岸七萬里。云云

如來使法華經法師品曰說法華經乃至一句當知是人則如來使

○此詩說有為善業總無所益以勵真正見性法門
吁嗟貧復病為人絕友親甕裡長無飯甕中屢生塵蓬菴
不免雨漏榻劣容身莫怪今顛顛多愁定損人

貧復病莊子讓主篇曰原憲居魯環堵之室茨以生草
蓬戶不全桑以為樞而甕牖二室褐以為塞上漏下濕
匡坐而絃子貢乘大馬中紺而表素軒車不容巷往見
原憲憲華冠縱履杖藜而應門子貢曰嘻先生何病原
憲應曰憲聞之無財謂之貧學而不能行謂之病今憲
貧也非病也貢逡巡而有愧色禮中生塵後漢書獨行

傳曰范冉字史雲桓帝時以冉為萊蕪長議者欲以為
侍御史因遁身逃命於梁沛之間徒行敝服賣卜於市
或寓息客廬或依宿樹陰如此十餘年乃結草室而居
焉所止單陋有時絕粒窮居自若言貌無改閭里歌之
曰礪中生塵范史雲釜中生魚范萊蕪

○此詩亦是寒公屋裡秘訣

養女畏大多已生須訓誘捺頭遣小心鞭背念緘口未解
乘機杵那堪事箕箒張婆語驢駒汝大不如母

詩大明篇曰維此文王小心翼翼緘口家語曰孔子觀
周廟有金人焉三緘其口而銘其背曰古之慎言人也
書言故事吉事類曰單少人呂公好相人見漢高祖狀

貌魁梧重之曰臣相人多矣無如李相臣有弱息女願為箕帚妾

○此詩寒公在深山無人境能說養女兒心要寔知元是一切智調御師

秉志不可卷須知我匪席浪至山林中獨卧盤陀石辯士來勸余速令受金壁鑿牆植蓬蒿若此非有益

詩栢舟篇曰我心非石不可轉我心匪席不可卷也至字異本作造金壁出前九十九首莊子庚桑楚篇曰且夫二子者又何足以稱揚哉是於其辯也將安鑿垣牆而殖蓬蒿也簡髮而櫛數米而炊竊竊乎又何足以濟世哉

○此詩賦寒公遁居志雖富萬戶不可移

以我棲遲處幽深難可論無風蘿自動不霧竹長昏澗水綠誰咽山雲忽自屯午時菴內坐始覺日頭曛

陸士衡詩胡馬如雲屯見于文選

○此詩寒山幽致

憶昔過逢處人間逐勝遊樂山登萬仞愛水汎千舟送客琵琶谷攜琴鸚鵡洲焉知松樹下抱膝冷颼颼

樂山愛水論語雍也篇曰子曰知者樂水仁者樂山知者動仁者靜知者樂仁者壽琵琶谷白樂天琵琶行曰潯陽江頭夜送客楓葉荻花秋瑟瑟別時茫茫江浸月忽聞水上琵琶聲鸚鵡洲崔顥黃鶴樓詩註曰黃祖殺

彌衡理於洲上後人號曰鸚鵡洲以衡嘗為鸚鵡賦抱膝三國志諸葛亮長嘯抱膝

○此詩述舊懷

報汝修道者進求虛勞神人有精靈物無字復無文呼時歷歷應隱處不居存叮嚀善保護勿令有黥痕

鵠林云此詩甚有親切處須子細吟玩往往崑崙去底

多所以許多葛藤了也看取下文

報汝修道者鵠林著語曰事生也還進求虛勞神鵠林

曰若不是教壞好人家男女有精靈物鵠林著語曰

我這裏不進求也是滿地一場愁人有精靈物若須吐卻

弄精魂漢無字復無文剗好肉生瘡呼時歷歷應

如麻似粟隱處不居存也是藕絲孔中謙殺一切叮嚀

善保護多認賊勿令有黥痕那一痕著什麼處握左手

狗頭何日免得

○評曰愿夫佛道廣大故根機不同根機不同故法門

無量法門無量故行人多端行人多端故得力千般得

力千般故有誦經誦咒有一食卯齋有長坐不卧有多

拜多禮有佛像彫刻有彩畫泥塑盡是虛妄幻事而勞

役心神全無利益縱又誦咒功積苦修歲久而咒斃走

獸祝落飛禽藉活重痲於九死使役野鬼於千里荒旱

招甘雨得煩暑呼涼颺來總是生死大兆而終墮惡種

是只為不了知人人本具底佛心箇箇圓成底大事故

縱又雖知有箇箇圓成底大事嶮崖撒手一回白汗不

○圖是已前卷二

流總，是閑妄想，死學解堪作何用。寒公曰：呼時，歷歷應
隱，處不居存，是則欺誑多少。癡人，生陷墜底，黑暗大深
坑，誠可怖畏。其災厄過八難，惡處一回，頭入終無出期。
有行人，端然靜坐，時思念纔止，情量且治，恰如無一點
瑕翳，少觸塵緣，則多少妄情依舊，紛紛飛飛，退求靜處，
確齧定牙關，則雖且似湛然，纔出頭，則依舊又紛紛，又
飛飛，雖頭白齒黃，終不能出此兩般境界。為是，只不能
一回汗流見性了了，故也。誰知彼隱處不居存，底全是
陰魔之潛穴，窟宅師向書藕絲孔中辨少，以有所益者，
故不顧繁文，并記于此。辨曰：臨濟慧照禪師云：如阿修
羅與天帝釋戰時，戰敗，領八萬四千眷屬入藕絲孔中。

藏故不能攻而退，也是本經中說也。予常謂阿修羅有
者般大神通，彼既戰敗走時，豈特尋藕絲孔中藏哉。蝶
頭眼裏蚊虻鼻孔，一微塵裡針鋒頭上，隨處自在藏身，
縱雖隣虛中包容八萬四千部屬，不為陝而特指藕絲
孔中，何哉。且天帝釋戰勝諸天，大得力，則多聞廣目疾
如石火，增長持國速如颼風，有何暇得尋蓮池折荷莖，
拔卻藕絲而後藏身。縱亦隱得十成天眼，所照盡大千
界如掌上，璠璃顆何殘，纖塵若又如三春始，仲冬後荷
錢亦未浮時，無所藏身。彼即敗走，即落終覺天兵斧鉞
者哉。吾大怪之久焉。近頃定中忽爾省覺，此事不堪歡
喜記，以授二三子。顧夫此義經中微妙譬喻，而大辨道。

有益蓋試論之譬茲有辨道上士單單端身靜坐時身心寂滅萬法虛凝湛然廓落自如一片長空忽然纔情念紛起則如雲霧包大虛似波浪吞巨岳谷吼山怒臬煙吐水靈毒霧籠電雷是則阿修羅大戰勝乍現大身八萬四千部衆各等身淺蒼海陝碧虛動寶殿叫喚怒號燬日月顛狂憤悶靈臺爲之震動丹府爲之碎裂當此時行者忽省覺舉起本參話頭或向自己本有則如沸沸湯釜內洒一杓冷水性海湛寂心源虛靈是則帝釋天王大戰勝時也四王各得處諸天互歡樂帝細軍重光光映徹主伴無盡正與麼時彼八萬四千魔軍一箇不留痕跡上下四維之間千回百匝盡神變搜索不

得於此行者大歡踊云天下既定矣特不知彼魔種入歡喜細念裏潛伏全不損一毛細念者何哉所謂神識微細流注難斷思惑也然則非彼部衆入思惑難斷如藕絲裏藏者歟既入思惑微細藕絲藏宜哉不能攻而退也爲之如何祖師有善巧一著截生死根源如倚天長劍摧妄情窠窟過萬斤錘子僧問趙州狗子還有佛性又否州曰無此話極有靈驗學者若欲到真正安樂田地謹嚴此話豎嚴橫嚴嚼一朝乍嚴斷命根絕後再蕪從上多少說話唯是滿面慚惶而已勉旃諸子莫待老來淚痕數行滴頷焉已上藕絲孔中辨寒公曰叮嚀能保護莫令有點痕作麼生得無點痕去生死涅槃是點痕

心佛眾生是點痕，天堂地獄是點痕，喫茶喫飯是點痕，四大五蘊是點痕，咳嗽唾掉臂是點痕，如何得脫得去？若真箇要免，如上過患，只須見性，所以達磨大師曰：欲成佛道，先須見性。

去年春鳥鳴，此時思弟兄，今年秋菊爛，此時思發生。綠水千場咽，黃靈四面平，哀哉百年內，腸斷憶咸京。

文選三十謝靈運詩：河洲多沙塵，風悲黃雲起。註：淮南子曰：黃泉之埃，上為黃雲。崔顥行經華陰詩註：咸京，即咸陽。秦漢建都於此，故曰咸京。

○此詩述舊懷，又是寒公和盤托出底。

○評曰：寒公面前山河大地，草木森羅，行雲流水，秋葉

春花，總是自己，本有常寂光，本土而黃鶯轉花，紫燕入柳，春蛙夏蜩，皆是紫磨元聚，全身無所回避。又大權菩薩見一切眾生，見徹生生父母，世世兄弟，所以哀愍，猶深所恨，不知觸處湛然，全是諸佛淨利流轉五趣，牢落三有，今每觀見諸佛刹土，常樂，哀念眾生永夜苦患，深哀念眾生永夜苦患，深故追憶諸佛刹土，常樂，切故言腸斷憶咸京。咸京擬諸佛刹土者也。作麼生是諸佛刹土？多少天台人不識寒山子，莫知真意度，喚作閑言語。

○此詩述無知音之嘆。

可惜百年屋，左倒右復傾，牆壁分散盡，木植亂差橫，瓦片片落朽爛，不堪停，狂風吹，驀塌再堅卒，難成。

植彙丞職切音寔立也置也栽也百年屋湮擊經二十
曰譬如朽宅垂崩之屋我命亦尔云何起惡塌彙託甲
切音塔地低下也堅字異本作豎

○評曰百年屋者謂四大空華幻質五蘊泡影肉身次第倦疲衰朽牆壁分散盡者血肉漸枯竭骨節盡疼痛
輒瓦片片落者髮毛齒牙總謝也狂風吹蕩塌者謂無
常殺鬼一刹那間奪將去底時節再得完全大難也

精神殊爽爽形貌極堂堂能射穿七札讀書覽五行經眠
虎頭枕昔坐象牙牀若無阿堵物不啻冷如霜

左成十六年曰潘厖之黨與養由基蹲甲而射之徹七
札焉戰國策燕主噲篇註札牒也甲之革緣如之五行

後漢書應奉傳曰奉少聰明自爲童兒及長凡所經履

莫不暗記讀書五行并下虎頭枕西京雜記曰李黃與

兄遊獵冥山北見猛虎一矢斃之斷其頭爲枕示服猛

祖庭事苑三載象牙牀戰國策齊閔王篇曰孟嘗君出行國至

楚獻象牀阿堵書言故事晉王衍妻郭氏喜聚斂衍疾

其貪鄙故口未嘗言錢妻欲試之令婢以錢遶床使不

得行衍早起見錢謂婢曰舉阿堵物去註阿堵眼中也

○此詩述能文能武之達士爲無錢受屈之嘆

笑我甲舍兒頭頰底繫澁巾予未嘗高腰帶長時急非是
不及時無錢趁不及一日有錢財浮圖頂上立

頰古協切音劫面旁繫質入切音執絆馬足也晉書魯

廢字元道南陽人好學多聞以貧素自立元康後網紀
大壞衰傷時貧鄙乃隱姓名而著錢神論以刺之其略
曰親之如兄字曰孔方失之則貧弱得之則富昌無翼
飛無足走浮圖梵語佛陀或云浮圖或云部多今并譯
為覺

○此詩上四句諷能笑之語下四句扶所笑人
買肉血滌沽買魚跳鱖鱖君身招罪累妻子成快活纒死
渠便嫁佗人誰敢過一朝如破牀兩箇當頭脫
滌同活鱖鱖最魚動尾兒

○此詩誠食肉荒色人畢竟重多少罪障
客難寒山子君詩無道理吾觀乎古人貧賤不為耻應之

笑此言談何疎闊矣願君似今日錢是急事介

○此詩設傍難通意

從生不往來至死無仁義言既有枝葉心懷便險詖若其
開小道緣此生大偽詐說造雲梯削之成棘刺

老子曰甘其食美其服安其居樂其俗隣國相望鷄狗
之聲相聞民至老死不相往來又老子曰大道廢有仁
義智慧出有大為枝葉易繁辭曰中心疑者其辭枝雲
梯戰國策宋景公篇曰公輸般為雲梯將以攻宋

○此詩說有道士與道混一而無佗伎

一餅鑄金成一餅焚泥出二餅任君看那箇餅中實欲知
餅有二須知業非一將此驗生因修行在今日

○聞提詩開卷二
挺泥老子三十韜章，挺埴爲器，註挺和土也。二餅涅槃經，五曰譬如瓦餅，破而聲斃。金剛寶餅，則不如是。夫解脫者，亦無斃破。金剛寶餅，譬真解脫。

○評曰：此詩設譬論，以比真偽二種行人。大凡行人有真正與相似兩般。是故解脫亦有真正與相似兩般。譬此有一人潛窮密參，理盡詞窮，到伎亦窮處，喜識盡消，息盡。此謂觸髓那畔，是則拋身捨命，嶮崖撒手，魂飛魄散。底時節少，焉蘊息歸來，一斬一切，斬一了一切了。達理本根，徹法淵源，令時那邊無一點疑惑，於祖師難透話頭，分明透過了，而後成辦長劫不退願輪，與一切含識同共進成就。佛道謂之一餅鑄，金成底真正行人，誠

實解脫。茲有一人信受見聞，覺知底光影，認得湛然寂默底賴耶暗谷，來爲真正無比。大道揩磨淨盡，以欲成佛道，到死精鍊刻苦，終無一毫利益。謂之一餅埴泥成底，相似解脫虛偽行者，未得謂得認賊爲子。底癡人修行在，今日言即今錯一步了，則千里萬里全錯了。所以達磨大師曰：欲成佛道，先須見性。

摧殘荒草廬，其中煙火蔚，借問羣小兒，生來凡幾日，門外有三車迎之，不肯出，飽食腹膨，筒是癡瘡物。

○評曰：此詩全篇以法華譬喻品意述法華第三譬喻品。曰爾時長者卽作是念：此舍已爲大火所燒，我及諸子若不時出，必爲所焚。我今當設方便，命諸子等得免。

斯害父知諸子先心各有所好種種珍玩奇異之物情
必樂著而告之言汝等所可玩好希有難得汝若不取
後必憂悔如此種種羊車鹿車牛車今在門外可以遊
戲汝等於此火宅宜速出來隨汝所欲皆當與汝
有身與無身是我復非我如此審思量遷延倚巖坐足間
青草生頂上紅塵墮已見俗中人靈牀施酒果

青草生觀佛三昧海經曰爾時菩薩坐於樹下入滅意
三昧三昧境界名寂諸根諸天啼泣淚下如雨勸請菩
薩當起飲食作是請時音徧三千世界菩薩不覺有一
天子名曰悅意見地生草穿菩薩肉上生至肘告諸夫
曰高哉善男子苦行乃爾不食多時喚聲不聞草生不

覺 祖庭事苑載之

○評曰有身與無身是我復非我如是單單體窮觀察
倚巖坐物我總忘卻心身共脫落足間青草生頂上紅
塵積亦不知此時生佛一如淨穢不二忽然突出金剛
不壞全身煥發寂滅實相全身此為真正辨道佛子若
不然縱你行萬善集眾德都是依草附木底野鬼閑鬼
何日免得流轉沈沒苦患可悲俗中人不知有如上佳
趣空靈牀施昏愚酒果祭以為足徒空壇備臭穢犧牲
哭以為盡誰知盡是暗上漆暗苦上重苦底夢中幻事
昨見河邊樹摧殘不可論二三餘幹在千萬斧刀痕霜凋
萎疎葉波重枯朽根生處當如此何用怨乾坤

河邊樹史記蘓秦傳評林引袁淑真隱傳曰鬼谷先生不知何許人隱居鰲智居鬼谷山因以為稱蘓秦張儀師之遂立功名先生遺書責之曰若二君豈不見河邊之樹乎僕御折其枝波浪盪其根上無經尺之陰身被數千之痕此木豈與天地有仇怨所居然也子不見嵩岱之松柏華霍之檀栢乎上枝示於青雲下根通於三泉千秋萬歲不受斧斤之痕此木豈與天地有骨肉哉蓋所居然也

○評曰昔鬼谷子授與張蘓二子書中教諭人生壽夭禍福悉依其所住當否寒公亦取其書中大意以阿學人最初錯入處不痛快故修行一生多勞疲有學人最

初莽鹵入理不深遠見道不著實聞人說光影邊事認以為佛法或著經教文字中顧覺向情量意識中兼當捉湛寂賴耶藏識以為本具大道可憐一生半醒半醉終向寂靜空閑處指定空卻情念以欲成佛道其在靜處則渾渾沌沌而雖似平穩纔向動處則如游魚離水似飛鳥失翼無半點氣力只胸喘肌汗而已是最初錯認門闢戶庭來為立處不真實基趾不堅牢故所以內識浪濁亂性海情波鼓激此岸常盪突菩提本根外六塵昏亂胸宇八風飛冰霜永戕賊覺樹枝葉恰如河邊樹浪衝枯朽根霜凋萎疎葉逞情量凡解屠害法身慧命恰似十萬刀斧痕非是佛法命然為學人立處不真

故也是故言生處當如此何用怨乾坤如真正衲子則不然其最初憤起傑烈勇猛大志激發長劫不退道情執一則難透話頭十二時辰三四威儀豎參橫窮窮窮到無可窮處和參窮底心一時打失氣息亦斷絕是謂大死一番底持節於此路斷佛道淵源拔卻至理根盤如鳳離金網以鶴脫籠上下四維全無纖毫過患無半點疑惑動靜一如逆順不二生死涅槃大虛偽禪道佛法閑妄想臨濟德山誰家老秃奴爛嚼虛空骨吸盡乾坤髓通身是狼毒涕唾亦鴆酒氣吞八紘眼空四海唾石石郭亦可裂吹鐵鐵城亦可流野鬼恐走閑神悲哭百億須彌一片脊梁骨盡大千界一枚廣長舌吐出萬

斛毒焰殺害四生含識其厚重寬大如彼嵩岱之松栢華岳之檀栢上枝干於青雲下根通於三泉千秋萬歲不受斧斤痕佛祖亦挾手不得底瞎臭秃破落戶是非所以佛法令然為從初入處痛快故也是故達磨大師曰若人欲成佛道先須見性

恰底衆生病食嘗畧不厭蒸豚搵蒜醬炙鴨點椒鹽去骨鮮魚膾兼皮熟肉臉不知佗命苦祇取自家甜

黃山谷詩曰我肉衆生肉形殊體不殊元同一種性只是隔形軀苦惱從佗受肥甘為我須莫教閻老判自揣看如何臉千廉切臙也又力減切臉臙羹也

○此詩呵世人不知苦因

讀書豈免死，讀書豈免貧，何以好識字，識字勝他人。丈夫不識字，無處可安身。黃連搵蒜醬，忘計是苦辛。

搵烏因切溫去聲，手捺物，兒又設也。管修篇曰：一年之計，莫如樹穀，十年之計，莫如樹木，終身之計，莫如樹人。

○此詩呵，一向不窮已事，不修道德，徒耽著文字底人。我見謾人，漢如藍盛水走，一氣將歸家，藍裡何曾有我見。被人謾，一似園中韭，日日被刀傷，天生還自有。

○此詩說能欺與所欺得失。不見朝垂露，日燦自消除，人身亦如此，閻浮是寄居。切莫因循過，且令三毒袪，菩提即煩惱，盡令無有餘。

涅槃經三十四曰：亦如朝露勢不久，傳智度論三十五

曰：如閻浮提者，閻浮樹名，其林茂盛，此樹於林中最大，提名為洲。洲上有此樹林，林中有河，河底有金沙，名為閻浮檀金。又名閻浮洲，此洲有五百小洲圍繞，通為閻浮提。寄居魏文帝樂府曰：人生如寄，多憂何為。見文選。

○此詩寄朝露演世無常。水清澄澄，澄瑩徹底自然見，心中無一事，萬境不能轉心。既不妄起，永劫無改變，若能如是知，是知無背面。

○此詩寒公老婆說話已透底，士可也。未透底，士認之大不可也。

說食終不飽，說衣不免寒，飽喫須是飯，著衣方免寒。不解審思量，祇道求佛難，廻心即是佛，莫向外頭求。

楞嚴經一曰今日乃知雖有多聞若不修行與不聞等
如人說食終不能飽求字異本作看

○此詩說食得免饑衣得免寒迴得成佛決定理

可畏輪回苦往復似翻塵蟻巡環未息六道亂紛紛改頭
換面孔不離舊時人速了黑暗獄無令心性昏

事文類聚前集一曰天圓如休蓋地方如碁局天旁轉
半在地上半在地下日月本東行天西旋入於海牽之
以西如蟻行磨上磨左旋蟻右行磨疾蟻遲不得不西

○此詩述三界流轉苦以勸識得自性

○評曰寒餓禪者曰我聞閻浮提下方經四千由旬有
大苦聚世界名為黃泉冥府其城隍殿宇專鑿鐵石築

成名道閻羅大城盡挂刀兵戈戟為莊嚴其高廣寬大
遙超過人間鐵網結烈火雖王侯貴介總無漏業鏡蓋
長空雖小罪蚰飛全無遺有八大獄帶三百六十別處
有十大王率八萬四千部屬鬼卒獄奴各張馬領牛首
走獸飛禽互磨鐵爪金牙火車縱橫轟走如屠家蒼蠅
苦具參差羅立如廣野蘆葦有刀葉劍樹嶺有糞泥膿
血川臭煙四圍猛火頻飛鑊湯沸迸如怒濤浸長天爐
炭轟吼似迅雷劈石壁熱沙打面毒風裂肌造罪緇素
悲泣號哭動天環震地軸若詳說彼土眾生受苦少分
忍土眾生大恐怖必吐血悶絕就中有一處名道黑暗
獄永劫不見日月光黑火鎮然受苦無間缺是盡正法

念處瑜伽智論所說也。我每觀此說，如攢毒箭於胸間，彼黑暗獄何日得了脫？饑凍上座曰：不可也，不可也。吾子若向四千由旬下方尋覓黑暗獄，驢年亦不得了脫。學人思念纜收暗昏昏地去，癡黑黑地去，處卽是黑暗獄處之本根，而百千無量惡處總是從者裡幻出。淨名之道須彌相世界時，人特不知認得爲本具。大道曰：者裡全無纖毫過患，何處在天堂地獄？寔可憐譬如人夢挂嶮崖，上下四維只是一箇嶮崖。當此時豈可道無嶮崖？譬如人夢陷溪谷，上下四維只是一箇溪谷。當此時豈可道無溪谷？一切衆生日日所爲所行盡是夢中幻事。當此時誰知一切衆生無一點痕迹，然則道無天堂。

可哉！道無地獄，可哉！吾子若欲透脫，如上惡處，向此黑暗處把一箇話頭看，乾峯和尚示衆曰：法身有三種病，二種光，你等諸人還委悉看去看來。忽然踏翻黑暗獄，分明徹見須彌燈王如來名之爲大圓鏡智。於此再回首一看，雲門出衆云：菴內人因甚麼不知菴外事？此話若得如見掌上，了了分明。許你親了脫黑暗獄，若不然，盡是黑繩衆合人叫喚泥梨滓。

可畏！三界輪念念未曾息，纔始似出頭，又卻遭沈溺。假使非非想，蓋緣多福力，爭似識真源，一得卽永得。名義集無色界頂天，名非有想非無想夫。

○此詩示世間有爲善果不如見性功。

昨日遊峯頂下窺千尺崖臨危一株樹風擺兩枝開雨漂
即零落日曬作塵埃嗟見此茂秀今爲一聚灰

涅槃經三十四曰復次知者觀是壽命猶如河岸臨峻
大樹

○此詩述生者必滅理

自古多少聖叮嚀教自信人根性不等高下有利鈍真佛
不肯認置力枉受困不知清淨心便是法王印

○此詩說不見自心性故行人多徒困苦

我嘗天台山中看琪樹永言欲攀之莫曉石橋路緣此
生悲歎幸居將已暮今日觀鏡中颯颯鬢垂絲

琪樹文選孫興公遊天台山賦建木滅景於千尋琪樹

璀璨而垂珠駱賓王靈隱寺詩待入天台路看余度石
橋註天台赤城山高一萬八千丈上有石橋廣不盈尺
下臨萬丈深澗惟忘其身然後能濟

○此詩述世人無憤烈志不遂素志

養子不經師不及都亭鼠何曾見好人豈聞長者語爲深
在薰菹應須擇朋侶五月販鮮魚莫教人笑你

都亭鼠史記李斯傳曰李斯年少時爲郡小吏見吏舍
廁中鼠食不潔近人犬數驚恐又斯入倉觀倉中鼠食
積粟居大廡之下不知人犬之憂於此李斯乃歎曰人
之賢不肖譬如鼠矣在所自處耳乃從荀卿學帝王之
術未考都亭鼠事薰菹左僖公四年曰一薰一蕕十年

猶有臭註薰香艸猶臭艸十年有臭言善易消惡難除
擇朋侶家語六本篇曰與善人居如入芝蘭之室久而
不聞其香即與之化矣與不善人居如入鮑魚之肆久
而不聞其臭亦與之化矣丹之所藏者赤漆所藏者黑
是以君子必慎其所與處者焉

○此詩誠為人父者

徒閉蓬門坐頻經石火遷唯聞人作鬼不見鶴成仙念此
那堪說隨緣須自憐迴瞻郊郭外古墓犁為田

蓬門出于前二十九首石火出一百六十七首丁令威
故事出前九十一首文選古詩出郭門直視但見丘與
墳古墓犁為田松栢摧為薪

○評曰寒公曰徒閉蓬門坐試道一把茅底閉卻柴扉
徒爾坐謂乎防意除情念杜絕萬緣謂乎將又彌勒樓
閣善財既入得後閣門乍閉謂乎

時人見寒山各謂是風顛貌不起人且身唯布裘纏我語
佗不會佗語我不言為報往來者可來向寒山

○評曰此詩似寒公自家一篇真贊曰可來向寒山何
處是寒山

自在白雲閑從來非買山下危須策杖上險捉藤攀澗底
松常翠谿邊石自斑友朋雖阻絕春至鳥喧喧

買山事文類聚前集第十四戴德山人問襄陽節度于
頓求買山錢頓與百萬世說新書支遁字道林因人就

溪公買隱山，溪公曰未聞巢由買山而隱入沃州，小嶺友朋詩，伐木相彼鳥矣，猶求友聲，矧伊人矣，不求友生，我在村中住，衆推無比方，昨日到城下，仍被狗形相，或嫌袴太窄，或說衫少長，攣卻鷄子眼，雀兒舞堂堂。

袴苦故切股衣也，衫師咸切小襦也，衫衣無袖端也，鷄戈笑切，耀鷺鳥也，彙善捉雀，故名負雀，又鷓類也，攣彙朗旬切，戀手足曲也。

○此詩寒公嘆無知己

死生元有命，富貴本由天，此是古人語，吾今非謬傳，聰明好短命，癡騃卻長年，鈍物豐財寶，惟惶漢無錢，語顏淵曰死生有命，富貴在天。

○評曰此詩演大凡人壽夭貧富智愚尊卑盡有報應之理，此謂天命，世人不識破，故施奇計，設姦謀，求富貴，希利達，終身陷不義大錯了。

國以人為本，猶如樹因地，地厚樹扶疎，地薄樹憔悴，不得露其根，枝枯子先墜，决陂以取魚，是求一朝利。

書五子之歌曰民惟邦本，本固邦寧，文選孟夏州木長繞屋樹扶疎，註曰扶疎所謂枝葉四布兒。

衆生不可說何意，許顛邪面上，兩惡鳥心中，三毒蛇是渠作障礙，使你事煩拏，舉手高，彈指南無佛陀耶。

不可說華嚴經說十大數，其第九曰不可說兩惡鳥事，文類聚後集四十七尹吉甫子伯奇依繼母讒作伯勞。

梟不孝鳥，一名流離少好，而長醜。大則食其母，蓋兩惡鳥。伯勞梟煩擊宋玉九辨語也。註擾亂也。涅槃經十四有調達服酥受苦呼南無佛陀事。

○評曰此詩說眾生為三惡所役多顛倒自樂平生道煙蘿石洞間野情多放曠長伴白雲閑有路不通世無心孰可攀石牀孤夜坐圓月上寒山

○評曰此詩說山居自適境界。

寒山詩闡提記聞卷第二終

